

河南開封縣志

舊名祥符縣



武功

秦之際



張耳陳餘者皆大梁人兩人相與爲刎頸交秦滅魏數歲已聞此兩人魏之名士也購求有得張耳千金陳餘五百金張耳陳餘乃變名姓俱之陳爲卑監門以自食及陳涉起斬至入陳兵數萬張耳陳餘上謁陳涉涉及左右生平數聞張耳陳餘賢未嘗見見卽大喜及陳涉自立爲王張耳陳餘諫之不聽陳餘又說陳王曰大王舉梁楚而西務在入關未及收河北也臣嘗游趙知其豪傑及地形願

祥符縣志

卷十七

人物

一

請奇兵北略趙地於是陳王以故所善陳人武臣爲將軍以張耳陳餘爲左右校尉予卒三千人北略趙地下趙十城號武臣爲武信君復下三十餘城至邯鄲於是張耳陳餘怨陳王不以爲將而以爲校尉乃說武臣自立爲趙王以陳餘爲大將軍張耳爲右丞相北略燕地界後趙王爲將李良所殺張耳陳餘收其兵得數萬人求得趙歇立爲趙王李良進兵擊陳餘陳餘敗之李良走歸秦將章邯章邯引兵至邯鄲張耳與趙王走入鉅鹿城王離圍之陳餘北收常山得兵數萬軍鉅鹿北章邯

軍鉅鹿南王離急攻鉅鹿張耳數使人召陳餘陳餘自度兵少不敢前張耳大怒怨陳餘使張騫陳澤讓之陳餘予五千人令張騫陳澤嘗秦軍至敗沒及項羽已破章邯軍于是張耳與陳餘相目責讓陳餘及問張騫陳澤所在張耳疑餘殺之數問陳餘陳餘怒曰不意君之望臣深也豈以臣爲重去將哉乃脫解印綬推予張耳張耳亦愕不受陳餘起如厠客有說張耳者張耳乃佩其印綬收其麾下陳餘遂趨出獨與麾下所善數百人之河上澤中漁獵張耳陳餘大有郤漢元年項羽立張

耳爲常山王以南皮旁三縣封陳餘而徙趙王歇王代張耳之國陳餘益怒曰張耳與餘功等也今張耳王餘獨侯此項羽不平及齊王田榮畔楚陳餘乃使夏說說田榮曰項羽爲天下宰不平盡王諸將善地徙故王王惡地今趙王乃居代願王假臣兵請以南皮爲扞蔽田榮欲樹黨於趙以反楚乃遣兵從陳餘陳餘因悉三縣兵襲常山王張耳耳敗走歸漢王漢王厚遇之陳餘乃復收趙地迎趙王於代復爲趙王漢二年漢王東擊楚使使告趙欲與俱陳餘曰漢殺張耳乃從於是漢王求人

類張耳者斬之持其頭遺陳餘陳餘乃遣兵助漢  
漢敗於彭城西陳餘亦復覺張耳不死卽背漢及  
韓信已定魏地遣張耳與韓信擊破趙并陘斬陳  
餘泚水上追殺趙王歇立張耳爲趙王漢五年張  
耳薨諡曰景 見史記張耳陳餘本傳

唐

劉昌字公明開封人天寶末從軍討安祿山授宋州  
衙門將擢左廂兵馬使時李希烈陷襄邑昌守甯  
陵希烈督衆五萬攻昌相持五十餘日賊敗乃解  
圍去貞元中累遷涇原節度使封南川郡王在邊

祥符縣志

卷十七

人物武功

三

凡十五年身率士卒墾田軍有羨食兵械精銳卒  
贈司空子士涇尙雲安公主拜駙馬都尉官至太  
僕卿 見唐書本傳

朱忠亮字仁輔浚儀人初爲薛嵩裨將以功擢太子  
賓客朱泚之亂率麾下四十騎至奉天封東陽郡  
王憲宗立加御史大夫尋授涇原四鎮節度使涇  
俗多賣子忠亮捐金贖還者前後數百吏白耄卒  
不任戴當罷亮曰老馬且不忍棄况戰士乎士皆  
感泣築潘原城有勞改封丹陽卒贈尙書右僕射

諡曰靈

見唐書

五代

寇彥卿開封人身長八尺隆準方面聲如洪鐘工騎射好書史朱温嘗曰劉捍寇彥卿實天爲我生之賜乘馬名一丈烏温畧鳳翔彥卿爲都排陣使乘馬馳突陣前温曰眞神將也及稱帝拜感化軍節度使終威勝軍節度使

舊志

劉捍開封人爲人明敏有威儀仕梁爲佑國軍留後

累立戰功後爲李茂貞所殺贈太傅

舊志

趙廷隱開封人仕梁爲裨將後隨後蜀高祖孟知祥入西川拳勇有智略爲漢州刺史擢節度使官至

祥符縣志

卷十七

人物武功

四

太師中書令封宋王諡曰忠武節錄十國春秋

宋

石守信浚儀人初事周太祖爲嘉州防禦使累遷義

成軍節度使宋太祖卽位擢歸德軍節度使征李

筠李重進俱有功移鎮鄆州兼侍衛親軍馬步軍

都指揮使詔賜本州宅一區感太祖言與高懷德

等皆稱病乞解兵權遂以散官就第後歷加侍中

中書令進檢校太師封衛國公卒追封威武郡王

諡武烈子保興保吉另有傳

見宋史本傳

孔守正浚儀人仕周爲東班承旨入宋從征太原與

敵戰於石嶺關斬首萬級時宋師陷陣者數百人  
守王四馬馳入盡奪以還後契丹犯涿州守正擊  
敗之追至桑乾河契丹自是不敢近塞咸平中累  
遷安化軍留後卒贈泰甯軍節度使 見宋史

常思德開封人仕周爲神衛都虞侯宋端拱初領溪  
州刺史李順作亂命思德討之掩殺賊三千餘人  
與尹元裴莊等合師並進盡殲其黨川陝安靖以  
功授汝州刺史累遷左神武大將軍 見宋史

石保興字光裔年十四以廕補供奉官累遷順州團  
練使李繼遷入鈔徙銀夏綏府四州都巡檢使嘗

祥符縣志

卷十七

人物  
武功

五

巡署子砮黑水河趨谷中夏人知之以數千騎據  
險渡河求戰保興所部不滿二千人乃分短兵伏  
於河澗俟其半渡擊之斬百餘級追北數十里優  
詔褒美真宗時累遷知威武軍會夏人入寇保興  
發官帑錢數萬給戰士主者固執不可保興不從  
夏人退驛置以聞帝嘉之就拜棣州防禦使改澶  
州卒年五十八子元孫字善長以祖廕爲東頭供  
奉官累遷邕州觀察使曾知莫州有治迹 見宋史  
本傳  
石保吉字佑之貌瓌碩有武幹初以廕補天平軍衙  
內都指揮使尙太祖女延慶公主拜左衛將軍駙

馬都尉累遷武甯軍節度使同平章事眞宗幸澶  
淵命與李繼隆分爲駕前東西都排陣使遼騎數  
萬驟至城下保吉不介馬馳當其鋒遼人引去俄  
而請盟帝賜諸臣宴於行宮後苑保吉與繼隆互  
讓功帝嘉之賜襲衣金帶鞍馬大中祥符初從東  
封攝司徒加檢校太師卒贈中書令諡莊武見宋史  
周審玉開封人父勳隰州團練使審玉以廕補殿直  
雍熙中契丹入寇審玉爲監軍嘗與敵戰先鋒劉  
緒陷賊審玉躍馬趨擊拔緒而還以勇敢聞涪化  
中知貝州有戍卒謀逆審玉悉擒誅之累遷千牛

祥符縣志

卷十七

人物  
武功

六

衛大將軍 見舊志

盧斌開封人初以筆札事晉邸太宗卽位補殿直出  
爲華州廵檢追賊劉渥等於耀州勦殺之以勞授  
閣門祇候尋爲梓遂十二州都廵檢帝諭以便宣  
從事斌在川陝六年以孤軍禦寇累立奇功還拜  
東上閣門使檢校左僕射子文質官至殿中丞見宋史

郭載字咸熙開封人以廕補右班殿直端拱初知秦  
州兼緣邊都廵檢使先是廵邊者多領兵騎以威  
勝成人苦之載至悉減去衆皆感悅改知成都府

受詔討李順寇平而卒蜀人惜之 見宋史

上官正字常清開封人淳化中爲劍門都監李順亂遣其黨攻劍門正奮勵士氣迎擊大破之斬逆殆盡遷劍州刺史累官左龍武軍大將軍平州防禦使致仕子案仕至內殿崇班 見舊志

白守素開封人父廷訓博州刺史守素以廕補東班承旨累遷鎮州鈐轄王繼忠陷契丹守素據橋有矢數百每發必中敵不敢近遂引去居邊歲久契丹畏之再遷南作坊使鎮定鈐轄加合州團練使卒太宗惜之 見宋史

解符縣志

卷十七 人物 武功

七

蔚昭敏字仲明祥符人眞宗時授西供奉官累遷冀貝行營兵馬都監契丹突至冀州城南昭敏與戰敗之得其器甲無算而師不失一人咸平四年領順州刺史又爲鎮定高陽關三路先鋒契丹入寇帝北巡至大名契丹北趨莫州昭敏追敗之斬首萬級擒生口甚衆拜唐州團練使仕至保靜軍節度使卒贈侍中 宋史本傳

史方字正臣開封人初補三班奉職累官閤門祇候天禧中澧州民訴下溪蠻侵其土地眞宗遣方往視方復地四百餘里得所掠五百餘人又捕降其



黨李順同等甚衆累遷右侍禁後蠻復亂方討平之遷內殿承旨官至秦鳳路提轄

見宋史

趙滋字子深開封人父士隆天聖中爲邠甯環慶路都監死於戰滋果敢任氣有知略以韓琦薦累遷閣門祇候出知雄州時契丹遣大舟十餘入海口運鹽滋戒巡兵舟至輒捕殺其人契丹懼之仕至

嘉州團練使

見宋史

劉兼濟字寶臣祥符人善騎射仁宗時爲襄州兵馬監押漢江暴漲兼濟解衣涉水率衆捍城州賴以完累遷鄜延路兵馬都監知龍竿城會夏人寇邊

祥符縣志

卷十七

人物武功

八

衆號數萬兼濟將兵千餘大破於黑松林屬戶明珠族叛兼濟又平之歷官至西上閣門使

見宋史

李繼宣浚儀人初爲貝州監軍咸平中以功累遷西上閣門使領康州刺史時契丹入寇繼宣率兵大戰敵敗走繼宣逐之馬中矢斃凡三易騎進至牟山谷大克之詔書褒獎加檢校官累遷至西京水南都巡檢使

見宋史

許均開封人父邈太常博士均初應募征遼州有功補武騎十將遷武騎副兵馬使從征金陵率衆陷水砦流矢貫手改本軍使攻河東隆州城先登陷

之中八創遷副指揮使禽杭州妖僧紹倫補龍衛  
第四指揮使屯夏州賊來犯境一日十二戰走之  
遷第三軍指揮使王軍之亂從秦翰追殺賊黨降  
其眾七千餘驛召授東西都虞侯順州刺史累官  
邠州駐泊都監永興軍部署真宗幸澶淵詔均提  
總諸州巡檢捕盜事平亂民王長壽論功擢本州  
團練使尋出知代州卒子懷忠奉禮郎懷信禁侍  
懷德另有傳據宋史本傳重撰

張煦字輔暘開封人雍熙中爲殿前承旨累以戰功  
遷益州都監夏人入寇改邠甯環慶路鈐轄兼巡

祥符縣志 卷十七 人物 武功

檢安撫都監率眾深入賊中七百餘戰擊殺甚眾  
拜西上閣門使徙并代鈐轄以老求近郡得知磁  
州天禧中卒 見宋史

王繼忠開封人父琬武騎指揮使戍瓦橋關卒繼忠  
六歲補東西班殿侍真宗在藩邸得給事左右以  
謹厚被親信卽位補內殿崇班累官高陽關副都  
部署徙定州咸平六年契丹數萬騎南侵至望都  
繼忠與大將王超桑贊等領兵援之繼忠至康村  
與契丹戰自日昃至乙夜敵勢稍卻遲明復戰繼  
忠陣東偏爲敵所乘斷餉道超贊畏縮不赴援繼

忠獨與麾下躍馬馳赴服飾稍異契丹識之圍數十重士皆重創殊死鬪且戰且行傍西山而北至白土城遂陷於契丹事聞謂其已死贈大同軍節度使賙賻甚厚官其四子景德初契丹請和令繼忠奏章始知其未死朝廷從其請自是南北輯兵繼忠有力焉繼忠每對使者必泣嘗附表求召還不果後不知其所終子懷節懷敏懷德懷政

見宋史

祥符縣志

卷十七

人物  
武功

十

兵馬監押以所部兵入賊境破遮鹿要册二砦射殺其酋狗兒廂主遷左班殿直用薦授閣門祇候東路都巡檢使賊以四萬人犯邊懷德以兵數千待之斬首二百級得畜產器械無算遷內殿崇班修龍安綏平二城賊不敢犯論前後功遷供備副使兼閣門通事舍人時用兵久民多亡散懷德綏輯有方經畧使梁適奏請下其法於諸路累遷殿前都虞侯步軍副指揮使英宗卽位遷靜難軍觀察留後卒贈安遠軍節度使嘗因戰流矢中頰鏃人首以弩絃擊鏃發機出之

見宋史本傳

范恪字許國開封人驍勇善射仁宗時以戰功遷內殿承制嘗會諸道兵攻十二盤暨咄當迷子砦中流矢督戰愈力視砲石中有火爨者恪取號於衆曰賊矢石盡用竈下爨矣士卒爭奮遂克其城遷供備庫副使恪有弓勝一石七斗其箭鏃如鐻弓又於羽間識其官稱姓字每發必中至以一箭貫二人他日取焦蒿砦歸恪獨殿爲賊數千騎所襲恪視矢箠止有二鐻卽爲引滿之勢賊遽卻後累遷宮苑副使環慶路兵馬都監仕至保信軍觀察留後卒贈昭化軍節度使 見宋史

祥符縣志

卷十七

人物武功

十一

楊燧開封人善騎射從征貝州穴城以入賊平功爲第一補神龍衛指揮使累官甯遠軍節度使卒贈侍中諡莊敏 見宋史

燕達字逢辰開封人善騎射以材武隸禁籍授內殿崇班神宗時爲延州巡檢戍懷甯砦夏人二萬略薄城達所部止五百人躍馬奮擊所向披靡又嘗帥兵深入敵境九戰皆勝累官武康軍節度使卒諡毅敏 見宋史

賈崑字民瞻開封人善騎射哲宗時累遷莊宅副使慶州路都監會夏兵數萬騎圍麟州神堂砦甚急

嵩以數百騎往援一矢殪其酋衆駭潰帝嘉嘆  
以袍帶官終濠州團練使卒贈雄州防禦使

舊志

張蘊字積之開封人家世爲將蘊初以小校從劉昌  
祚至靈州遇敵中矢拔鏃復戰以功賜金帶從征  
安南次富良江諸將猶豫不進蘊褰裳先濟衆隨  
之蠻遯走使巫被髮登岸爲厭勝蘊射斃之一軍  
謹譟遂大勝歷京西涇原將知綏德懷甯順甯軍  
等六城儲粟三十萬斛將兵取宥州破夏人於大  
吳神流堆再破之順甯俘斬甚衆累遷皇城使榮  
州刺史成州團練使開德河陽馬步軍副總管顯

祥符縣志

卷十七

人物  
武功

十三

肅皇后母自鄭氏再適蘊徽宗屢欲以恩進其官  
輒力辭人以爲賢卒年七十三贈節度使諡榮毅

據宋史本  
傳重撰

王光祖字君俞開封人金州觀察使珪子初爲供奉  
官閤門祇候熙甯中同提點河北刑獄進沿邊安  
撫副使界河巡檢趙用擾北邊契丹以兵數萬壓  
境造浮橋如欲渡者光祖在舟中盡徹戶牖或慮  
不測光祖曰彼來欲得趙用耳避之則勢益張吾  
死不足塞責矣已而契丹欲與言光祖卽命其子  
襄往兵刃四合然語惟在用襄隨機折之兵遂退

以功除真定鈐轄徙梓夔渝獠叛佐安撫熊本平  
之論功第一吐番圍茂州瀘夷乞弟殺王宣俱命  
光祖會兵進討並有功官至定州路副總管

見宋史

明

張玉字世美祥符人仕元爲樞密知院洪武十八年  
歸附從征捕漁海子授都指揮同知建文時繩削  
親藩成祖舉兵玉謀畫爲多首用玉策奪九門撫  
順鋤強三日城內外悉定師將南出玉曰不先定  
薊州將爲後患會馬宣起兵薊州玉攻之殺宣是  
夜趨遵化四鼓登陴守將率衆拒戰執殺之分兵

祥符縣志

卷十七

人物  
武功

三

永平密雲皆望風納款成祖至灤河玉進曰都督  
潘忠楊松在漠州阨吾南路宜先擒之成祖悅曰  
汝爲先鋒遂擒潘楊二都督時長興侯耿炳文率  
兵二十萬屯真定玉請往規敵還言軍無紀律

當徑趨真定一鼓可破也成祖曰善吾倚玉一人  
足以辦吾事及戰炳文大敗會永平馳報江陰侯  
吳高等以遼東兵圍城急曹國公李景隆引兵數  
十萬攻北平城成祖與玉謀東援永平旣至高等  
棄輜重遁去遂旋師玉請搗景隆營大戰三日景  
隆亦敗去進攻東昌成祖以數千騎繞陣後遂被

圍數匝衝擊得出玉猶不知成祖所在突入陣大戰殺百十人玉被創死成祖慟甚及卽位論功顧侍臣曰玉備智勇靖難功當第一追封榮國公諡忠顯洪熙年加封河間王改諡忠武配享成祖廟子輔另有傳 見明史

張輔字文弼河間王玉長子燕兵起從父力戰爲指揮同知玉歿輔嗣職歷戰有功從入京封信安伯妹爲帝妃永樂三年進新城侯是時安南臣黎季犛弒其主自稱太上皇立子蒼爲帝其故王之孫陳天平來奔季犛佯請歸國帝以兵送之季犛伏

祥符縣志

卷十七

人物  
武功

十四

兵殺天平帝怒命成國公朱能爲征夷將軍輔副之率十八將軍兵八十萬會左副將軍西平侯沐晟分道進討四年十月能卒於軍敕以輔代制詞以李文忠代常遇春爲比輔出奇制勝所向克捷明年五月擒季犛蒼並僞太子諸王將相等檻送京師安南平求陳氏後不得遂郡縣其地安南自唐末淪於蠻服至是四百年復入版圖六年夏輔振旅還京進封英國公其年冬陳氏故臣簡定復叛僭稱王別立陳季擴爲皇勢甚張沐晟討之不克命輔佩征虜將軍印帥師往討獲簡定及其黨

送京師八年正月進擊餘賊斬數千人築京觀惟  
季擴未獲帝命晟留召輔班師時季擴雖請降實  
無悛心乘輔歸攻標如故交人苦中國約束又爲  
吏卒侵擾多附賊晟不能制九年正月仍命輔往  
季擴屢敗走老撾輔以兵索之破其三關遂縛季  
擴及其孥送京師承制以賊所取占城地設升華  
思義四州十三年春輔還京旋命爲總兵官往鎮  
餘寇陳月湖等復亂悉討平之十四年冬召還輔  
凡四至交趾前後建置郡邑增設驛傳遞運規畫  
甚備交人所畏惟輔輔還一年黎利又反屢討無

功至宣德時竟棄其地輔爭之不得也仁宗卽位  
輔掌中軍都督府事進太師尋命知經筵事監修  
實錄宣德元年漢王高煦謀反誘諸功臣爲內應  
潛遣人夜詣輔輔執以聞請將兵擊之帝親征輔  
扈行事平加祿四年都御史顧佐請保全功臣召  
解輔府務朝夕侍左右謀畫軍國重事進階光祿  
大夫左柱國朝朔望英宗立加號翊運佐理知經  
筵監修實錄如故輔雄毅方嚴治軍整肅三定南  
交威名聞海外厯事四朝連姻帝室而小心敬慎  
與蹇夏三楊同心輔政二十餘年海內晏安輔有



力焉王振擅權文武大臣多望塵拜輔獨與抗禮也先入寇從帝親征死於土木之難年七十五追封定興王諡忠烈子懋九歲嗣爵善騎射累加至太師雖爲勳戚抗面敢言武宗狎羣小懋率文武切諫握兵柄四十年尊寵爲勳臣冠卒年亦七十

五贈甯陽王諡恭靖萬曆中削王號孫崙嗣傳爵

至末世流寇陷京城遇害

明史本傳

田世威祥符人宣武衛千戶驍勇善戰好讀春秋通大義初分守延安旋薦總理馬市擢宣府遊擊會大同有警調守紫荊關大戰於金家井奏捷命協

祥符縣志

卷十七

人物  
武功

六

守大同調赴朔州戰於杏園斬首甚衆叙功世襲指揮使以疾歸起山西副將以失事論戍永甯隆慶五年獨石口告警世威充頭目哨探至臭柳灘遇敵伏奮勇衝戰大勝總制王崇古奏世威前後出邊斬獲功復職守三鎮萬曆元年卒於邊贈都督僉事驃騎將軍世襲指揮使

見明史

皇清

張射光字燦斗祥符人甲午中武科官鄱湖守備歷任四川副總兵官加都督賞拖沙勒哈番又拜他喇布勒哈番世襲二次射光生有神力挽強命中

年月及契值多寡疆界毗連無不條分縷析口  
述錄諸冊授汪子曰老奴牛馬之報盡矣既歿  
或疑其有私竊發其篋無一金蓄所遺一姬兩  
兒僅做緼掩體而已汪子感其義給田二十頃  
還其身契嗚呼保雖奴哉而行則高矣彼讀書  
而負義者視此僕何如也

續

矢無虛發方在鄱湖時值吳三桂反悍卒驕兵囂然蠢動奸民煽惑謀不軌因脅射光於梅溪環以白刃曰將舉大事願推將軍爲主射光大怒格殺數百人突圍出走告變制府遂任以援勦嗣是黃岡江潁山等戰共殺賊五萬八千餘人恢復州縣數處每戰皆身先士卒矢礮交下顏色自若所向成功後卒子致覺襲職

續通志

隱逸

漢

符融字偉明浚儀人師事少府李膺善談辯州郡禮

祥符縣志

卷十七

人物  
隱逸

七

請舉孝廉公府連辟皆不應會以黨事遭禁錮妻亡貧無殯斂鄉人欲爲具棺服融不肯受曰古之亡者棄之中野唯妻子可以行志但卽土埋藏而已同郡田盛亦知名優游不仕並以壽終

舊志

晉

董養字重道浚儀人泰始中入洛不干祿仕因游太學歎謂謝鯤阮孚輩曰易稱知幾其神乎君等可深藏矣乃與妻荷擔入蜀莫知所終

舊志

唐

白履忠浚儀人博通經史居古大梁城時號梁邱子

景雲中召爲校書郎棄官去開元中刑部尚書王  
志愔薦履忠學博操嚴可代褚無量馬懷素入閣  
侍讀國子祭酒楊瑒又表其賢召赴京師辭病老  
不任職詔拜朝散大夫乞還手詔許游京師徐還  
里閭履忠留數月乃去

均見舊志

明

張民表字林宗其先中卒人居祥符弱冠舉於鄉隱  
居不仕工古文辭以草書名天下築圃滿植菊日  
對吟嘯行事率超宕有晉人風所著詩累屋壬午  
没于水其門下士周亮工得之傳誦者梓行於世

祥符縣志

卷十七

人物  
隱逸

六

朱濂字澹軒祥符人歲進士隱居不仕性狷潔對妻  
子不苟嘖笑與友人課大梁書院途遇雨衆趨去  
濂行自如羣號爲聖人

趙喬星字養明負性穎異弱冠補庠士意致超異不  
樂仕進以戴記授生徒宮保劉昌出其門年逾七  
十猶晨夕講學不倦人稱爲道隱先生

均見舊志

皇清

劉承胤明世指揮使三中武科累陞山東副總兵以  
城守功加都督同知改物後偕弟參將承誥種瓜  
三里岡足絕跡城市蓋近古東陵也

見高風集

曾孫幼慧好學年十二通十三經嘉慶戊辰進士  
選翰林院庶吉士改刑部累遷工部給事中耿介  
寡交日惟讀書曰吾於此得養心之樂嘗主講大  
梁書院頒諸生日課程式課讀經史語錄文字治  
經先求訓詁博考衆說折中於本文大義以中州  
書少刊經苑二十五種嘉惠後學著有詩文集嘗  
仿明焦竑獻徵錄爲

國朝獻徵錄凡將相大臣循良忠節儒林文苑等共  
八百餘人積二三百卷又於獻徵錄之外節錄名  
臣爲先正事畧世推淹博續纂

祥符縣志

卷十七

人物  
寓賢

九

史致康原名致昌字叔平宛平人道光戊子舉人考  
取覺羅學教習選四川珙縣知縣擢馬邊同知叙  
州知府以平西藏升用道加鹽運使銜卒於官先  
是主講彝山書院值書院廢弛致康嚴定學規盡  
革舊習生徒日衆會張灣河決水入南門書院左  
右成澤國致康僦屋居月課不輟雖黃流繞城外  
士之讀書問字自若也明年重修書院致康相度  
經營規模一新建講堂正業堂文昌閣堂後隙地  
闢蔬圃輦良嶽遺石疊假山鑿池築亭環以齋舍  
致康固善題詠又工書各題聯額居然勝境其課

行大率由孝而推杞縣侯敬韋作雙孝吟詩以美之  
見侯敬韋詩集

劉鐸字子覺祥符人世業農至鐸尤勤穡事雍正初  
詔舉勸農官縣一人大府聞其名焉鐸日巡隴畝集村人  
講樹藝法勉勤儉戒遊惰勸早納稅有相爭者理  
解之數十年農不識桁楊爲何物居隣大道遇暑  
行人多苦暍鐸備茶水性喜讀書好施與村中佳  
子弟無力從師者代具束修他如施藥施棺周恤  
貧困數十年不倦年八十四卒子孫淵源家學多  
振高科續

祥符縣志

卷十七

人物  
義行

三

劉廷遷字朝叙祥邑名諸生農官鐸子讀書先儒傳  
註靡弗研究負笈來者踵相接教誨不倦弟子皆  
循禮法治家嚴時集族人訓以孝弟禮讓同族佩  
其德婚嫁喪祭必以禮尤喜善舉戚友貧困者力  
爲周恤或收養之遠近皆感化里有惡少酗酒方  
與讎冤鬪有告者曰劉先生來矣皆釋手錯愕惟  
恐其知時人以爲有王彥方之風嘉慶元年舉千  
叟宴耆英四年距其入泮甲子一周同人以重遊  
泮水賀之無疾卒年八十八著有劉氏族約一卷  
孫遵海署順天霸昌道以名儒爲循吏另有傳

續

高濂字芳溪祥符人歲貢生家貧筆耕爲業教人先躬行後文藝遇古人善惡事講論尤詳俾知法戒或遺以非義財數反不受強之指天自誓年五十餘無子妻爲置妾甫入門知其有夫卽日歸之另置妾五十八歲舉一子猶及見其入庠且抱孫焉以候選訓導終於家續

路青雲字漢雯祥符人少讀書有志遠到因貧棄舉業就曹史學讀律爲吏當事亟賢之知河工善修防道光辛丑河決張家灣踰年癸卯又決中牟行省當其衝城不沒者三版當事委青雲爲防堵計

祥符縣志

卷十七

人物  
義行

三

規畫悉中程度城賴以完咸豐初粵匪擾東南距豫尙數千里青雲以防禦自有司簡團結具無虛日已而賊果至所過殘毀無完郭而汴城歸然獨存嗣後皖匪時擾數年不撤防始終無懈志道光丙午歲游饑倡捐鉅貲且偕同志廣募設立粥廠置棧流所給醫藥全活無算歲熟復爲製衣貲遣婦孺咸感再造恩光緒三四年災益甚秦晉豫皆赤地人相食少司寇袁文誠公保恆就家籌方畧青雲手疏救荒策數千言以告時已髦老猶策杖至賑所指靡不倦生平急公好義如重修貢院添

王文成字煥堂蚤喪母事繼母盡孝少時賣柴爲生歸必市甘旨奉親嘗賃工鄰村夜忽痛哭主人驚問故曰吾思親夢中哭醒耳一日亟辭去曰吾與父母任餓死一處不忍離也子祖堯讀書入庠能承父志弟化成異母弟事兄極敬一門稱孝友焉

陳錦章字芳齋祥邑庠生性篤摯父待之極嚴曲盡孝道士林式之惜先父而卒

盧允之字次明郡廩生讓產於兄且善諭親於道鄉無宗族稱之

陳國梁字毓材恪承母訓見善必爲放生濟貧惜字

祥符縣志

卷十七

人物  
義行

三

無一日之暇

孫興家天性孝友事親極盡誠敬鄉閭感孚多薰其德

張肅安字敬齋儒而醫者也天性至孝生事盡其誠死事盡其敬嘗謂人非聞道不可以盡孝人非積善不可以榮親人以爲名言

郭尙忠字誠齋農人也性至孝父早亡母老近百歲聾且瞽每逢春秋佳日出遊市上母安坐一椅尙忠與長子雲共舁之以悅親家雖貧不缺甘旨識者歎爲孝子



邵國安自幼務農奉母至孝授室之後恐妻事母不謹潛察之一日適自外歸聞母言渴甚國安故不應以窺妻之動靜母再三呼妻終不應國安大怒曰母老不能事生兒何用娶媳何用痛責之自此妻亦改行爲善

朱祥家故貧寒早喪父自幼不聞教訓惟母尙健年十四五時好入博場一日其母拄杖來見與眾人賭博舉杖卽打祥卧以受杖母老無力責至半晌喘呼不定祥心動念母衰老如此大泣誓不入博場自此竭力養親痛改前非君子曰祥雖愚民猶

祥符縣志

卷十七

人物  
義行

三

有伯俞泣杖之風

王冠瀛字仙洲六品銜候選訓導昆仲四人授室後各求分居瀛不忍共請於祖母孫氏許之四分其產業分後二年忽遭荒歉先求分者又請於祖母求合瀛喜甚遂復合且賣己田二十七畝爲一家公用未二年又求分瀛仍不違祖母命而均分之前所賣己田不算祖母病目晚年又患瘋癱手足不能動口舌不能言凡飲食梳洗朝夕冬夏之事皆瀛一人親之順意承志久而不倦是洵可謂孝孫矣哉

置號舍督修大梁彝山兩書院捐修學宮擬設賢大夫祠以及修整覈學鼓樓各廟宇籌備邑人車費篤培寒士善舉甚多先後積功歷保候選同知 賞戴花翎晚年獨居危坐神明不衰享年九十歲子二觀德廩貢生羅山縣教諭遞保知府另有傳昭德咸豐己未進士戶部郎中孫傳甲光緒丙子舉人候選知縣傳勳州同曾孫善繼山東知縣克繼優廩生 續

申儒字鴻亭邑附貢生性坦白無蹊町急公赴義常若不及道光年間鄂中丞增修貢院命督理監修

祥符縣志

卷十七

人物  
義行

三

工用旣葺堅固倍前汴濱大河自張灣決後城毀於水儒復贊修城工勤慎精敏一如監修貢院時前後節帑以鉅萬計敘功加五品銜候選訓導生平贍給姻族修築村堡以衛鄉閭動竭巨貲人多倚賴之子斯恆另有傳 續

常啟佑邑增廣生員以城守功議叙訓導父毓英官許州靈寶濟源等處司訓有清德啟佑幼卽以孝友聞兄啟嗣早亡撫其孤如己出又仰體嫂氏意將先人餘業盡讓於姪其世母早孀患瘋疾無人侍啟佑奉養四十餘年雖歷艱苦毫無怨色晚情

岐黃術著有醫學心得分宮商角徵羽爲五集年七十餘猶爲人療疾凡窮簷茅舍無不周恤往往代備藥資全活甚眾孫樹聲舉人溫縣訓導永馨庠員續

沈廷傑字漢三祥符人性仁慈好讀書習岐黃尤精針灸活人無算嘗於兵荒大疫之年以藥食載舟車遊歷遠近不憚艱險饑者食之病者藥之濟人尤多至今河北呼爲沈菩薩著有外科指南奇症良方行世續

李啟復字樂園祥符人諸生性中和而介門庭雍穆見

祥符縣志

卷十七

人物 義行

三

人惟勸善鄉里化之好施與遇困乏者力爲周濟家無擔石弗恤也道光二十一年遭水患田舍盡沒穴坎以居卒後不能具棺門人代殮之續

安治字舜琴奎文閣典籍少時自雄其才屢困場屋遂棄儒精治醫術留心濟世貧人有疾者無不慷慨往診且助以藥資自奉極儉約而周恤族人絕不吝惜訓子勤讀書作好人年六十五歲無疾而終子三文田庠生熙田己丑舉人腴田乙酉舉人續

高明字普照祥符監生讀書務躬行見人以孝弟勸

江學錦原名以鐸邑庠生性孝友與弟以鍾以鎮以  
錕以銅專志講肄爲邑中名宿所推服道光己亥  
鍾中鄉選鎮錕銅先後入邑庠食廩餼光緒丁  
戊寅間錕以辦賑功授濟源縣訓導訓士有方  
張祖裔祥邑監生急公好義光緒十三年鄭工決  
朱仙鎮西南村莊被水災祖裔冒險乘舟拯濟災  
民放給錢米由此得疾不辭

袁素珊邑諸生性至孝母寢疾躬爲籲禱願以身代  
母沒哀毀骨立水漿不入口者三日晚年喜爲文  
著有靜遠堂稿四卷四書闕疑一卷課幼草小題

祥符縣志

卷十七

人物  
義行

三

文六卷待梓

許世信字仲孚世居邑之朱仙鎮築屋數楹於南園  
以課子一時名士如李仲遠徐小亭高仲新輩與  
其子貞元結社爲文字交每來督課輒談及天下  
形勢聚米畫沙瞭如指掌又喜購書堆牀插架萬  
卷琳瑯教子天文地理之外一以小學爲歸貞元  
以名解元成進士論者謂其淵源有白云著有皇  
輿指掌家訓編若干卷

張武功候選巡檢年登耄耋繞藤孫曾以詩禮世其  
家河南巡撫倪文蔚題奏五世同堂奉  
旨賜

匾額旌表

黃梅世居東岡一名靴頭岡業岐黃爲人治病應手  
神效更精於祝由科專以濟人爲事一日適行至  
汴城南門大街見有一重載車碾折人腿者眾方  
驚惶無措梅曰吾爲治之用黃表紙一張裹傷處  
以符水噴之約四五次立時痛止能行如腿不折  
者然傷腿者請問姓名欲謝之曰爾行矣胡謝爲  
時人呼爲黃神仙續

張奎兆字文斗幼孤事母孝鄉里稱之道光二十七  
年歲大饑有江南惡僧販婦女二十餘人經省垣

祥符縣志

卷十七

人物  
義行

三

婦女悲啼聲載路奎兆憐之出金以贖不聽擬稟  
大府僧始懼乃償以三百餘金遣去又爲各婦女  
妥籌資事聞大府賞給頂戴旌其善焉續

范珍祥符歲貢生候選訓導沒後部選商城學官生  
平好善樂施捐妻子衣食以賑貧寒教授鄉里及  
門多高徒人每稱之續

李長茂字曉崖邑城北盤石舊族也好讀書屢困童  
子試生平慕趙平原魏信陵之爲人慷慨好義親  
故稱貸貧無力償者輒焚券晚年尤耽莊老學每  
於南華道德諸篇能通旨外趣云續

勉慷慨喜施與偕同志建穆藹堂設義塾檢字養孤助醫藥施棺置義塚等事爲之不倦其友諸姓設錢肆折閱負逋眾索者盈門諸求明助見索者多人憐之號於眾曰諸債悉歸我約三日償可乎眾素服其信義僉曰可遂散明歸急鬻產得千金分付之子文光廩生有文名孫澤廩貢生能詩工分書歷官浙川廳教諭

汪以鎮字子安祥邑歲貢生候選訓導性篤孝道光中工決口時父柩浮厝於城南地當正衝率鄉人扶柩逐流數拾里始得擇地安葬教讀不計修脯貧苦嚮學者且格外設法成全之著有厚葬說敬惜五穀新說惠濟河水利論

附錄 義僕

張保祥符汪氏僕也誠慤不苟汪有莊田四頃命管業保盡心區畫仿古通力合作計畝均分法行之數年增田七十餘頃保目不識丁歷年收穫公私所入之數默識於心毫釐不爽東作時禁佃侶遊市廛所需諸物代爲市之物率星碎鹽豉蔬果逐戶給散無一舛錯汪歿遺兩子奉事維謹及保病且死倚枕令珥筆者舉券約

年月及契值多寡疆界毗連無不條分縷析口  
述錄諸冊授汪子曰老奴牛馬之報盡矣既歿  
或疑其有私竊發其篋無一金蓄所遺一嫗兩  
兒僅敝緼掩體而已汪子感其義給田二十頃  
還其身契嗚呼保雖奴哉而行則高矣彼讀書  
而負義者視此僕何如也續

楊書堂邑武庠生武解元啟元之子樂善好義嚴於  
修省有日記功過錄咸豐間粵匪猖獗書堂倡眾  
修寨爲公忘私朱鎮賴以保全

楊永安邑監生仗義疏財道光辛丑黃河泛溢癸卯

祥符縣志

卷十七

人物  
義行

三

又決口兩次救人以千計大府勸捐慨輸銀八百  
兩議叙鹽大使咸豐三年粵匪蹂躪朱鎮永安率  
儀罵賊主僕俱遇難妻吳氏事姑以孝聞守節終  
李桂朋邑庠生性篤孝好義承祧伯父道光癸卯伯  
母死未及葬河決衝朱仙鎮桂朋用繩繫母柩於  
腰守之不去本生父病嘗糞以驗其瘥否家貧舌  
耕時典質以助親友次子書元字亦望領光緒乙  
亥鄉薦官睢州學正虞城教諭

張武功候選巡檢年穉羣童五代同堂孫曾等以書  
香世其家孫星燦星聯俱廩生

寓賢

周

孟軻字子輿鄒人受業于子思門人道既通游事齊宣王宣王不能用梁惠王三十五年卑禮厚幣以招賢者軻至梁王曰寡人不佞兵三折于外以羞先君宗廟甚醜之叟不遠千里辱敝邑之刼將何以利吾國軻曰君不可以言利上下爭利則國危亦有仁義而已矣何以利為當是時秦用商鞅楚魏用吳起齊用孫子田忌天下方務于合從連衡以攻伐為賢而軻乃述唐虞三代之德惠王以為

祥符縣志

卷十七

人物  
寓賢

一

迂遠而濶于事情道遂不行 見史記

淳于髡齊人滑稽多辨梁惠王三十五年至梁王與語三日夜欲待以卿相之位謝去

鄒衍齊人著書十萬餘言適梁梁惠王郊迎執賓主之禮 並見史記

戰國

虞卿趙人趙孝成王時拜上卿故號虞卿時魏相魏齊亡走趙匿平原君家秦昭王欲為范雎報仇貽書趙王令斬魏齊魏齊夜亡過虞卿虞卿乃棄相印與魏齊亡走大梁欲因信陵君以走楚信陵君



畏秦初猶豫未肯見後以侯嬴言駕如野迎之魏齊已自剄虞卿遂流寓大梁不得意乃著書上探

春秋下觀近世凡八篇世傳之曰虞氏春秋見史記

毛公薛公趙人信陵公子聞趙有處士毛公藏於博

徒薛公藏於賣漿家公子欲見兩人兩人自匿不

肯見公子公子聞所在乃閒步往從此兩人遊甚

歡平原君聞之謂其夫人曰始吾聞夫人弟公子

天下無雙今吾聞之乃妄從博徒賣漿者遊公子

妄人耳夫人以告公子公子乃謝夫人去曰始吾

聞平原君賢故負魏王而救趙以稱平原君平原

祥符縣志

卷十七

人物  
寓賢

二

君之遊徒豪舉耳不求士也無忌自在大梁時常

聞此兩人賢至趙恐不得見以無忌從之遊尙恐

其不我欲也今平原君乃以為羞其不足從遊乃

裝為去夫人具以語平原君平原君乃免冠謝因

留公子平原君門下聞之半去平原君歸公子天

下士復往歸公子公子傾平原君客史記公子無忌傳

漢

鄒陽齊人始仕吳見吳王有異志乃去吳游梁陽有

智畧抗懷不苟合羊勝公孫詭等嫉陽讒之孝王

王怒下陽獄吏將殺之陽從獄中上書孝王立出

之卒爲上客後勝詭以邪謀獲罪孝王得白全于漢鄒陽之力居多

前漢書

枚乘淮陰人始仕吳見吳王有異志上書固諫王不從乃去吳游梁與鄒陽莊忌之徒爲孝王客以文辭見重子臯另有傳

枚臯字少孺乘子乘在梁娶臯母爲小妻乘東歸臯母不肯隨乘怒分臯數千錢留與母居年十七上書梁共王得召爲郎後之長安上書北闕自陳枚乘子武帝大喜召見詔使賦平樂館善之拜爲郎臯爲文疾受詔輒成故所賦多司馬相如善爲文

祥符縣志

卷十七

人物寓賢

三

遲故所作少而善于臯臯賦辭中自言爲賦不如相如凡可讀二十篇

並見漢書

司馬相如字長卿蜀郡成都人好書學擊劍以貴爲郎事孝景帝會景帝不好賦因病免客遊梁孝王令與鄒陽枚乘之徒同舍數歲乃著子虛賦孝王卒復歸蜀

漢書

郭泰字林宗太原介休人家世貧賤母欲使給事縣廷林宗曰大丈夫焉能處斗筲之役乎遂就學三年業畢博通墳典遊洛陽與河南尹李膺善後辭歸諸儒送至河上車數千兩林宗獨與李膺同舟

而濟衆賓望之以爲神仙焉或勸林宗仕對曰吾夜觀乾象晝察人事天之所廢不可支也性明知人好獎士類身長八尺容貌魁偉衰衣博帶周遊郡國嘗於陳梁間行遇雨巾一角墊時人乃故折巾一角以爲林宗巾雖善人倫而不爲危言覈論故免於黨禍年四十二卒同志者共刻石立碑蔡邕爲文謂盧植曰吾作碑文多矣皆有慙德惟郭有道無愧色耳

見漢書並府志

唐

高適字達夫渤海人李白字太白隴西人杜甫字子

祥符縣志

卷十七

人物寓賢

四

美襄陽人三人俱工詩同登吹臺飲酒慷慨狂吟人莫之測後人爲建二賢祠

通志

宋

馮元字道宗始平人三世事嶺南爲日官隨劉鋹歸

宋因家開封博通五經舉進士累官國子直講真宗召講周易泰卦元推君臣交感之義帝大悅仕終戶部侍郎卒贈本部尙書謚章靖

宋史本傳

王旦字子明大名莘人父祐事太祖太宗爲名臣祐手植三槐於庭曰吾之後世必有爲三公者此其所以志也旦幼沉默好學有文祐器之曰此兒當

至相公知平江縣其廨舊傳有物怪憑戾旦將至  
守吏聞羣鬼嘯呼云相君至矣當避去自是遂絕  
擢知制誥初祐以宿名久掌書命旦不十年繼其  
任錢若水有人倫鑒見旦曰真宰相器也與之同  
列每日王君凌霄聳壑棟梁之材貴不可涯真宗  
卽位拜中書舍人數月爲翰林學士帝素賢旦常  
奏事退日送之曰爲朕制太平者必斯人也尋拜  
工部尙書同平章事祥符初議封禪帝心憚旦召  
旦飲懽甚賜以尊酒曰此酒極佳歸與妻孥共之  
旣歸發之皆美珠也由是凡天書封禪等事旦不

祥符縣志

卷十七

人物  
寓賢

五

復異議柄用十八年爲相僅一紀會契丹修和西  
夏誓守故地二邊兵罷不用真宗以無事治天下  
旦謂祖宗之法具在務行故事慎所變改帝久益  
信之凡大臣有所請必曰王旦以爲何如帝欲相  
王欽若旦曰臣見祖宗朝未聞有南人當國者欽  
若謂人曰爲王公遲我十年作宰相旦凡薦人人  
未嘗知諫議大夫張師德兩詣旦門不得見意爲  
人所毀以告向敏中敏中從容言之旦曰旦處安  
得有毀人者但師德後進待我薄耳及議知制誥  
旦曰可惜張師德敏中問之旦曰屢於上前言師

德名家子有士行兩及吾門狀元及第榮進素定  
但當靜以守之爾若復奔競使無階而入者當如  
何也寇準數短旦旦專稱準帝謂旦曰卿雖稱其  
美彼轉談卿惡旦曰臣在相位久政事闕失必多  
準對陛下無所隱亦見其忠直此臣之所以重準  
也帝以是愈賢旦薛奎發運江淮辭行旦無他語  
但云東南民力竭矣奎退歎曰真宰相之言也旦  
儉約所居室陋帝欲更之辭以先人舊廬乃止及  
疾帝親臨問手自調薯蕷粥賜之臨終謂其子曰  
我別無過惟不諫天書一事之失贈魏國公謚文

祥符縣志

卷十七

人物  
寓賢

六

正宋史本傳舊志稱其父祐  
以修撰知開封府因家此地

錢惟演字希聖浙江錢塘人父吳越王俶歸宋賜第  
開封因家焉惟演少有俊才累官兵部尚書樞密  
使天聖中改崇信軍節度使卒于官贈侍中謚文  
僖所著典懿集三十卷從弟晃及易晃進士累官  
右諫議大夫易景官翰林學士宋史本傳

張詠字復之濮州鄆城人知崇陽縣一吏自庫中出  
規其鬢傍有一錢詰之庫錢也詠命杖之吏勃然  
曰一錢何足道爾能杖我不能斬我也詠援筆判  
云一日一錢千日千錢繩鋸木斷水滴石穿自仗

劍下階斬其首申府自劾自號乖崖贊曰乖則違俗崖則絕物乖崖之名聊以表德詠登太平八年第嘗曰吾榜得人最多謹重雅望無如李公沆深沉有德無如王公旦面折廷爭無如寇公準當方面之任詠不敢辭官樞密直學士出知成都府時李順餘黨寇掠民多脇從詠諭以恩信使各歸田里曰前有李順脇民爲賊今日吾化賊爲民不亦可乎先是城中屯兵無半月之食詠知民間舊苦鹽貴而廩有餘積乃下其估聽民以米易鹽未踰月得米數千萬斛詠度有二歲備乃奏罷陝西糧

祥符縣志

卷十七

人物  
寓賢

七

運帝聞之喜曰此人何事不能了吾無憂矣轉禮部尙書乞斬丁謂章三上出知陳州

宋史本傳

范仲淹字希文吳縣人三歲而孤隨母適長白朱氏從其姓名既長知其世家乃感泣辭母去之應天府依戚同文學晝夜不息冬月億甚以水沃面食不給至以糜粥繼之人不能堪仲淹不苦也舉進士爲廣德軍司理參軍迎其母歸養日抱具獄與太守爭是非歸必記其語於屏上比去至字無所容貧止一馬鬻馬徒步而歸母卒始還姓更名晏殊知應天府聞其名召至府學服除薦爲秘閣校

理仲淹汎通六經長於易學者多從質問嘗推其  
俸以食四方遊士諸子至易衣而出仲淹晏如也  
每歲激論天下事奮不顧身一時士大夫矯勵尙  
風節自仲淹倡之嘗自謂曰士當先天下之憂而  
憂後天下之樂而樂鎮延安夏人相戒曰毋以延  
安爲意小范老子胸中有十萬甲兵不比大范老  
子可欺也元昊反仲淹與韓琦開府涇川邊上謠  
曰軍中有一韓西賊聞之心膽寒軍中有一范西  
賊聞之驚破膽召拜參知政事與韓富二樞並命  
患諸路監司不才取班簿視不才者一筆勾之彌

祥符縣志

卷十七

人物  
寓賢

八

曰六丈則是一筆焉知一家哭矣仲淹曰一家哭  
何如一路哭耶初仲淹以忤夷簡放逐者四年及  
召還天子倚以爲治中外想望其功業而仲淹以  
天下爲已任然規模濶大論者以爲不可行會邊  
陲有警因請行邊修故砦招還流亡三千餘戶蠲  
其稅罷榷酤又免府州商稅乃詔爲陝西四路宣  
撫使知邠州其在中書所施爲亦稍稍沮罷以疾  
請鄧州徙青州病甚請頰州未至卒謚文正封楚  
國公仲淹外剛內和性至孝以母在時方貧其後  
雖貴非賓客不重肉爲政尙寬厚所至有恩邠慶

二州之民皆畫像立生祠祀之及其卒也羌酋數百人哭之如父齋三日而去晏殊留守南京仲淹遭母憂殊請掌府學宿學中訓督學者夜課諸生讀書寢食皆立時刻往往潛至齋舍誦之見先寢者詰之皇祐吳中大饑仲淹領浙西發粟及募兵存餉爲術甚備吳人喜競渡好爲佛事仲淹縱民競渡太守日出宴於湖上自春至夏居民空巷出遊又召諸佛寺主大興工作貧者藉以濟食在睢陽有孫秀才者索遊上謁仲淹贈錢一千明年復至仲淹因問何爲汲汲於道路孫曰母老無以養

祥符縣志

卷十七

人物  
寓賢

九

若日得百錢則甘旨足矣仲淹補爲學職月得三千錢以養母不十年泰山下有孫明復先生以春秋教授學者道德高邁朝廷召至乃昔日索遊孫秀才也在蘇州得南園之地陰陽家謂必踵生公卿仲淹遂卽地建學輕財好施尤厚於族人於姑蘇近郭買良田數千畝爲義莊擇族之賢者主其出納人日食米一升歲衣縑一疋嫁娶喪葬皆有贍給鄧人賈黯以及第歸鄉謁仲淹願受教仲淹教以不欺二字黯語人曰吾得范文正言平生用之不盡也

張范歐蘇宗李六賢於此地有遺愛又崇祀大梁書院爲邦人欽仰特爲傳焉



歐陽修字永叔廬陵人四歲而孤母守節自誓親教  
修讀書教養至以荻畫地學書修敏悟過人  
輒能誦比成人爲一時偶儷之文已絕出倫輩  
試國子監一試禮部皆第一人遂中甲科范仲淹  
貶饒州修貽書高若訥曰仲淹以非辜逐君不能  
辨猶以面目見士大夫出入朝中是不復知人問  
有羞恥事若訥怒上書修坐貶夷陵令復與尹洙  
書曰五六年來此輩沉默忽見吾輩作此事下至  
竈間老婢亦相驚怪召知制誥因奏事論及人物  
帝曰如歐陽修何處得來嘉祐二年權知貢舉是

祥符縣志

卷十七

人物  
寓賢

十

時進士爲文以詭異相高修所取率以詞義近古  
爲貴凡以險怪知名皆黜去勝出囂薄者何修出  
聚議於馬前然文章自是而變復古拜參知政事  
與韓琦同心輔政自歷官至兩府凡有建明於上  
前其詞意堅確安石嘗歎其可任大事年六十以  
少師致仕修昔守潁上愛其風土因卜居焉守滁  
日自號醉翁晚年又自號六一居士曰吾集古錄  
一千卷藏書一萬卷有琴一張有棋一局而常置  
酒一壺吾老於其間是爲六一自爲傳刻石熙寧  
中詔求修所撰五代史而修卒矣謚文忠修父嘗

有遺訓戒慎用死刑母以語修修終身行之謂以漢法惟殺人者死據此則雜犯擬死刑多所平反蓋父意也尤篤於朋友不以貴賤死生易意尹洙石介孫復梅聖俞既沒皆經理其家或言之朝廷官其子弟修作瀧岡阡表碑天下誦之

宋史本傳

蘇軾字子瞻眉山人父洵字明允年二十七始發憤爲學嘉祐間與其二子軾轍至京師歐陽修上其所著書二十二篇一時學者競效蘇氏爲文章軾生十年而父洵宦學四方母程氏親授以書聞古今成敗輒能語其要母嘗讀東漢至范滂傳軾曰

祥符縣志

卷十七

人物  
寓賢

十一

軾若爲滂夫人亦許之否乎母曰汝能爲滂吾顧不能爲滂母耶嘉祐二年中乙科修謂梅堯臣曰老夫當避此人放出一頭地攝開封推官決斷精敏會上元有旨市浙燈軾密疏罷之時言事者搃詩語以爲謗安置黃州軾幅巾芒履與田父野老相從溪谷之間築室於東坡自號東坡居士名還尋除翰林學士入對便殿宣仁后謂之曰元帝每誦卿文章必歎曰奇才奇才但未及進用卿耳命坐賜茶徹御前金蓮燭送歸院出知杭州時湖中葑積爲田軾取葑田積於湖築爲長隄以通南北

隄成植芙蓉楊柳其上望之如圖畫杭人名之蘇公隄其去也民皆畫像飲食必祀其有德於杭也已貶惠州居二年泊然無介蒂又貶儋耳地非人所居藥餌皆無有而獨與幼子過著書爲樂若將終身焉建中初卒常州諡文忠

宋史本傳

劉安世字器之魏郡人少爲文彥博獎識既舉進士不就選從學于司馬光問盡心行己之要光告以自不妄語始已而調洛州司法累遷樞密都承旨正色立朝面折廷諍旁侍者悚汗目之曰殿上虎章惇惡之屢貶新州別駕英州同文館獄起

祥符縣志

卷十七

人物 寓賢

十二

蔡京乞誅安世讒雖不行猶徙梅州惇等又使人將要殺之其人斃乃免投荒七年凡遠惡地無不厯之及京相連七謫至峽州羈管稍復承議郎卜居宋都卒葬祥符後金人發其塚貌如生相驚曰異人也爲之蓋棺而去

宋史本傳

賈昌齡字延年其先鎮備人以仕遷開封祖琰樞密直學士贈尙書左丞文汾仕終殿丞昌齡少孤師事翰林李宗諤登第授梁尉俗有服毒草相鬪死而誣告昌齡者相諤謂昌齡改署則吉昌齡

曰死生命乎人何能爲之任意無恙拜太常卿直  
昭文館鎮南海卒于官

宋史本傳

李綱字伯紀無錫人登進士第積官至太常寺少卿  
刺臂血上疏內禪之議始決欽宗踐位召對延和  
殿上迎謂曰卿頃論水章疏朕在東宮見之至今  
猶能誦憶嘗爲卿賦有秋來一鳳向南飛之句金  
兵渡河宰執議請帝暫幸襄鄧以避敵鋒詔綱爲  
東京留守綱受命力陳不可出幸之意是夕宿尙  
書省五日趨朝復傳有南狩之事禁衛環甲乘輿  
已駕矣綱惶懼奏上輟行出殿宣旨與吳敏撰數

祥符縣志

卷十七

人物  
寓賢

十三

十語叙金人犯順決策固守意俾閤門官宣讀每  
讀一句將士聲諾須臾六軍皆感泣金師抵汴城  
李邦彥等主割地請和綱請擊之帝從邦彥計以  
張邦昌爲計議使奉康王往金爲質姚平仲率師  
襲金營不克綱復率諸將戰於幕天坡以神弩弓  
射之金人少卻金使王訥責違誓李邦彥語之曰  
用兵乃李綱姚平仲非朝廷意也乃罷綱以謝金  
人太學生陳東等及都民數萬人上書言罷綱正  
墮金人之計擊壞登聞鼓喧呼動地帝恐生變乃  
復綱右丞充京城四壁防禦使衆皆奮躍詔綱迎

道君皇帝於南京具道帝聖孝思慕太上感悟出  
玉帶金魚象簡賜綱且曰卿捍守宗社若能調和  
父子間使無疑阻當遂垂名青史還綱道太上意  
欽宗始釋然高宗立召綱爲右僕射疏言河北河  
東者國之屏蔽也今河東所失者恒代太原澤潞  
汾晉河北所失者真定懷衛濬四州其餘二十餘  
郡皆爲朝廷守朝廷不因此時置司遣使以恩慰  
撫之臣恐糧盡力疲坐受金人之困金人撫而用  
之皆精兵也莫若於河北置拓撫使河東置經制  
司擇有才畧者爲之使宣諭天子恩德所以不忍

祥符縣志

卷十七

人物  
寓賢

十四

棄兩河於敵國之意有能全一州復一郡者以爲  
節度防禦團練使非惟絕其從敵之心又可資其  
禦敵之力使朝廷永無北顧之憂最今日之先務  
也帝善其言問誰可任者綱以張所及傅亮薦焉  
時議幸南陽綱曰關中爲上襄陽次之建康爲下  
旣而有詔欲幸東南避敵者綱極言其不可且曰  
南陽光武之所興有高山峻嶺可以控扼有寬城  
平野可以屯兵西隣關陝可以召將士東達江淮  
可以運穀粟南通荆湖巴蜀可以取貨財北距王  
都可以遣救援暫議駐蹕徐還汴都策無出於此

者一失中原雖欲退保一隅不可得也况嘗降詔許留中原奈何詔墨未乾遽失信於天下帝乃許幸南陽而汪伯彥黃潛善陰主揚州之議綱力求去會有劾其買馬招軍之罪者綱遂罷紹興中詔問戰守之策綱以提舉洞霄宮上疏大要謂近日朝廷議論閒暇則以和議爲得計而以治兵爲失策倉卒則以退避爲愛君而以進禦爲誤國臣竊以退避之策可暫而不可常可一而不可再退一步則失一步退一尺則失一尺往時自南都退而至維揚則關陝河北河東失矣自維揚退而至浙

江兩淮東西又失矣萬一敵騎南攻將復退避不知何所適而可航海之策萬乘冒風濤之險此尤萬萬不可者也詔褒諭之而不能用綱負天下之望以一身用舍爲社稷生民安危爲相僅七十日而其中忠誠義氣愾然動乎遠近每使者至金金必問李綱趙鼎安否其爲遠人所畏服如此卒諡曰觀文殿大學士隴西公

宋史本傳

宗澤字汝霖婺州人母劉夢天大雷電光燭其身翌日澤生澤自幼豪爽有大志知萊州掖縣部使者得旨市牛黃澤報曰方時疾癘牛飲其毒則結爲

黃今和氣橫流牛安得黃會朝廷遣使結女真夾  
攻契丹日天下自是多事矣退居東陽結廬山谷  
間康王使金行至磁澤勸勿行從王起兵十三戰  
皆捷王卽位南京澤陳興復大計除龍圖閣學士  
知開封府王善者河南巨寇也擁衆七十萬澤單  
騎至善營降之時楊進號沒角牛衆三十萬王再  
興李貴等衆數萬悉招降之澤與河北統制王彥  
約期渡河彥所部勇士面刺八字號八字軍秉義  
郎岳飛犯法澤一見竒之曰此將材也授騎五百  
使立功贖罪陞統制飛由是知名澤威聲日著北

祥符縣志

卷十七

人物  
寓賢

六

方聞其名常尊憚之對南人言必曰宗爺爺澤先  
後請上還京二十餘奏每爲汪伯彥黃潛善所抑  
疽發背諸將入問疾澤矍然起曰吾以二帝蒙塵  
積憤至此若等能殲敵死無恨衆皆流涕出澤歎  
曰出師未捷身先死長使英雄淚滿襟翌日風雨  
晝晦澤無一語及家事但連呼過河者三而卒都  
人號慟三學之士千餘人爲文以哭謚忠簡

宋史本傳

元

李鐸字振文其先廣平人徙居大梁始以吏才累官  
至南康路總管所至有能聲卒葬開封章田村

仁廬州廬江人至正初北兵南下仁家爲所掠父  
被殺母及兄弟皆失散去仁七歲鬻爲汴人李子  
安奴力作二十餘年子安憐之偏爲良仁蹤迹得  
母于潁州兄于睢州弟于邯鄲皆爲役尙無恙乃  
佈懇親故貸鈔百錠歷詣諸所求贖之經營百計  
更六年乃得遂大小二十餘口復聚居孝友甚篤  
鄉里嗟之大德十二年旌其家

均見舊志

明

薛瑄字德溫山西河津人父貞永樂中除鄆陵教諭  
瑄隨父任年十二卽慨然有求道志精思力踐動

祥符縣志

卷十七

人物  
寓賢

七

必質諸書一有不合終夜不寐舉庚子河南鄉試  
第一明年登進士授監察御史手錄性理大全潛  
心誦讀深有所得著讀書錄正統初轉山東提學  
僉事教士必先力行諸生呼曰薛夫子遷大理少  
卿以平獄爲王振所陷免歸已而復起累擢翰林  
學士召入內閣知制誥復遷左侍郎時石亨等亂  
政瑄乃乞休歸卒贈禮部尙書謚文清瑄晚年學  
益高明嘗爲詩曰七十六年無一事此心惟覺性  
天通蓋實錄也隆慶中詔從祀孔子廟

中州人  
物考

曹華字石帆江南徽州人從父商于汴幼穎悟未嘗



能文覽典籍悉如故習年十八補郡弟子員弱冠  
登賢書越四載成進士以部曹典蜀試脂車就道  
凡遠山長流古楓斷碑咸點綴成章載所梓星輶  
中典麗可法

舊志

皇清

盛治字霖襄江南揚州人已丑進士任河南管河道  
以疾退家干沐喜以文誨士多進而受業者舊志  
魏憲字惟度福建福清人博雅澹靜選近代詩曰詩  
持凡四集皆行世又有補石倉文集足跡遍海內  
過梁買宅居焉卒厝柩南薰門外遊者多瀝酒弔

祥符縣志

卷十七

人物  
寓賢

六

之

徐而泰字大來江南丹徒人官開封知府政蹟人稱  
志方其引年致政僑寓郡署東街孳孳汲引後  
有太邱道廣之風初北門外古天王寺而泰所葺  
也于是日赴僧寮趺坐談禪超然遺世人咸高之  
以上均舊志

魯曾煜會稽人主講大梁書院祥符邑令張淑載聘  
修縣志成書二十二卷中丞尹博陵稱其明史載  
秉筆嚴正序其簡端謂可以彌通志於不朽云續  
錢儀吉字衍石號心壺浙江嘉興人太傅文端陳羣

士也嚴若場屋閱文必加點竄詳批瑕瑜使知從  
違加字課詩賦課爲將來珥筆承明地汴士之講  
詩賦字學自此始暇則選集數人論講經義卽景  
賦詩貧者資以衣食日令讀書若干精熟者給厚  
獎年終彙課文之佳者梓之名彝山書院課藝白  
當事籌添經費豐備膏火刊彝山書院志鉅細畢  
載以期垂久凡可以培養人才者經畫必周不數  
年文風丕變致康教也致康宦蜀所至有聲著有  
修筠閣詩鈔軍中雜詠行世

續

方技

祥符縣志

卷十七

人物  
方技

三

罕家

附相術家

戰國

唐舉梁人蔡澤游學於諸侯不遇而從唐舉相曰吾  
聞先生相李兌曰百日之內持國秉政有之乎曰  
有之曰若臣者何如唐舉熟視而笑曰先生曷鼻  
巨肩魁顏蹙羈膝攣吾聞聖人不相殆先生乎蔡  
澤知唐舉戲之乃曰富貴吾所自有吾所不知者  
壽也願聞之唐舉曰先生之壽從今以往者四十  
三歲蔡澤笑謝而去謂其御者曰吾持梁鬻肥躍  
馬疾驅懷黃金之印結紫綬於要揖讓人主之前

富貴四十二年足矣

見史記蔡澤傳

### 五代

趙修已開封人少精天文推步之學晉天福中滑州節制李守貞表爲司戶叅軍留門下每從守貞出征占候軍事多中奏試大理評事賜緋後守貞鎮蒲津陰懷異志修已屢以禍福諭之不聽遂辭疾歸明年守貞果叛幕吏多以罪誅獨修已得免周世祖鎮鄴奏叅軍謀會隱帝誅楊邠等將及世祖修已知天命所在勸世祖曰雖欲殺身成仁何益于事不如引兵南渡詣闕自訴則明公之命是天

### 祥符縣志

#### 卷十七

人物方技

三

所與也世祖然之遂決渡河之計及卽位改鴻臚卿遷司天監

舊志

### 宋

楚衍祥符人少通四聲字母善推步陰陽星厯之數又于九章緝古綴術海島諸算經尤臻其妙自陳召試宣明補司天監學生遷保章正天聖初造新厯擢衍爲靈臺郎與宋行古等九人制崇天厯進司天監丞入隸翰林天文皇祐中同造司辰星漏厯十二卷卒無子有女亦善算術

舊志

郭天信字佑之祥符人以技隸太史局徽宗爲端王

時識其必為天子及卽位親暱之後拜定武節度使見蔡京亂國每託天文以撼之且日日中有黑子京坐黜後為京黨所劾貶職

通志

### 書畫家

唐

韓幹浚儀人善畫馬及山水人物鳥獸士維見之賞

異薦官至大府寺丞 名畫記

宋

裴文觀祥符人仁宗朝為翰林待詔工畫水牛骨氣老重澗道謹密一代佳手

### 祥符縣志

#### 卷十七

人物方技

三

任從一祥符人仁宗朝為翰林待詔工畫龍水海魚為時推賞舊有金明池水心殿御坐屏展畫出水金龍勢力道怪又建隆觀翊教院殿后有所畫龍水二壁 宣和畫譜

呂拙祥符人工畫屋木至道中為圖畫院祇候時方建上清宮拙因畫齋 臺樣進上改翰林待詔不就願于本宮為道士尋得披挂仍賜紫衣 畫譜

王詵字晉卿祥符人尚英宗女蜀國公主為利州防禦使黜遠聲色雅好書畫建寶繪堂於私第之東以蓄其所藏東坡為之記東軒亦贈詩云錦囊犀

軸堆象床又竿連幅翻雲光手披橫素風飛揚卷  
舒終日未用忙游意淡泊心清涼屬目俊麗神  
昂其所畫山水學李成皴法以金碌爲之東坡  
晉卿得破墨三昧有烟江疊嶂圖房相宿因圖  
山陰陳迹雪溪乘興四明狂客西塞風雨圖著色  
山水等圖傳于世 並宣和畫譜

馮覲字御卿開封人工丹青作江山四時陰晴旦暮  
煙雲縹緲之狀至於林樾樓觀俱極精妙任武翼  
大夫永泰陵都監 見宣和畫譜

樂士宣字德臣祥符人莅職東太一宮善詩畫花鳥

祥符縣志

卷十七

人物  
方技

三

能得生意晚年尤工水墨屢以畫上進實爲北省  
絕藝官虔州觀察使贈少保 見宣和  
畫譜

班惟志字彥功祥符人書宗二王筆勢翩翩極有法  
度徽宗裕聖皇后寫金字大藏經惟志被舉入經  
局補州教授累官集賢待制江浙儒學提舉 見袁  
居遊錄

賈祥字存中開封人丹青極妙保和殿新成其屏宮  
畫龍諸畫史皆不當意上命祥筆之作竹石草木  
鳥獸觀者皆服其工官通侍大夫保康軍節度使  
觀察使贈少師諡忠良 見宣和畫譜

元

杜敬字行簡汴人與其友張君錫寓杭州解音律善

鼓琴尤長於書多蓄古人墨蹟鑒古有識其議論

與趙孟頫鮮于駮相頡頏延祐初朝廷起君錫為

大樂署正敬次之旋歸自號夷門老人

見杭州府志

江砥柱字柳溪祥符人庠生書宗顏柳筆致勁健

續

明

孫文宗字仲文祥符人善丹青洪武三年召至京傳

寫太祖御容

張欽字士敬號震齋祥符人善山水花卉得古人風

祥符縣志

卷十七

人物方技

三

官至都閫

俱見圖繪寶鑑

張路祥符人號平山以字行少聰慧見吳道子戴文

進所畫人物山水臨摹肖其神以畫成名入貲為

太學生類唐自放縉紳先生皆樂與之游路雖以

畫名天下而恬退無所營終路之世門巷蕭然

張似山平山裔也性嗜畫有祖風繪山水人珍之

張紀山祥符人圖花卉羽虫重于世人相傳曰前有

平山後有紀山

均見舊志

皇清

左貞字青岱其先臨清人徙居汴善繪畫尤工山水

亦能詩所著有布衣草

舊志

劉源字伴阮祥符人天才超軼能詩工書畫自鍾王以下八分行草臨摹無不酷似山水竹石兼擅諸家又出新意繪人物所作凌煙閣功臣圖氣象英偉服裝瓌異雖閭立本不過是也至賞鑒之精製作之巧尤稱絕倫嘗於一笏上刻滕王閣序一篇心經一部字畫嶄然順治時供奉

內廷極承

恩眷曾呈磁樣數百種卽世所稱官窰也官至工部郎中卒於京師

祥符縣志

卷十七

人物方技

三

朝命內大臣包衣昂邦奠茶侍衛送柩出彰儀門

錫命馳驛時以爲榮無子手迹多不傳

見吳梅村集在園雜志

張捷聞字研存祥符人庠生性竒僻好讀未見書能

詩工分隸繪事善用指畫花鳥竹石無不畢肖極

生動時推神品對物寫照不事臨撫書學梁鶴碑

亦蒼老吝於勢要寒士求之無弗應弟欽謨字六

峯甥杜保泰字春如邑諸生俱傳其法保泰尤稱

入室人比王甥趙舅云

續

李持貞字晴溪祥符人工詩善書畫同時文士張暹

暹劉銘鼎王延瑞石永懋皆與締交稱爲書畫叢

後官兩淮鹽大使卒於官

續

秦耕字祝農邑布衣也性喜讀書不樂仕進嗜畫居近城垣每日登陴四望故作雲獨得油然致至人物花卉雖亦擅長殆其末馬卒於同治初年年七十餘

醫家

宋

許希祥符人以醫爲業補翰林醫學景祐元年仁宗違豫侍醫數進藥不效人心憂恐冀國大長公主薦希希診曰鍼心下包絡之間可亟愈左右爭以

祥符縣志

卷十七

人物  
方技

三

爲不可諸黃門請以身試試之無所害遂以鍼進而帝疾愈命爲翰林醫官賜緋衣銀魚及器幣官至殿中省尙藥奉御卒所著有神應鍼經要訣行

于世

舊志

元

楊澤字潤夫祥符人始以明經進士業善文詞金季科舉廢隱于野潛心醫術後仕元辭職年七十六而卒追贈榮祿大夫司徒柱國梁公謚曰懿

楊元直字大方澤之仲子繼父醫業以著書歷世祖成英泰定數朝官至明文館太學士兼太醫院



事掌醫卿卒贈光祿大夫河南北行中書省平章  
柱國追封梁國公謚忠穆

均見舊志

明

周溥字文淵其先浙江會稽人徙居汴城遂家焉溥  
穎敏嗜學及長患羸自度弗起遇南郡高子明療  
之而愈溥遂從子明傳黃帝扁鵲之脉書及諸秘  
方溥受之且錄且讀三年爲人診視療治悉驗于  
是四方迎謁者衆溥取舍合義發明素難及東垣  
丹溪之義爲書一編名曰方法考源復著用藥歌  
括若干首

祥符縣志

卷十七

人物  
方技

三

李信字用誠祥符人精幼科醫術一視則生死立決  
門懸金鐘爲號至今邑人猶稱爲金鐘李氏云  
史仕周府良醫正九世祖全業幼科居洛中至仕任  
周府良醫因徙汴精于素問難經諸書治病輒驗  
全活者甚衆壽至八十七歲乃終

劉輝字文華祥符人幼喜醫受學于同郡李寬久之  
盡其術嘆曰神聖工巧非可以言辭求天運物理  
必待夫體察明著遂以醫名累試輒效

鄭鑑字尚宜祥符人業醫療病多神異年逾七旬著  
述不輟有續醫說醫書百朋杏花春曉堂方方法

考諸書行于世子名河號星源亦以醫名

鄭燿號繼源祥符人性孝友讀書盈屋晚嫻聲律以

父河遺教工于醫術盛行于梁宋間子封成進士

為御史

鄭疆字無疆祥符人幼聰穎弱冠補弟子員事父恭

兄族黨無基言汴城經水淹後寓居淮陰及歸里

以善醫聞能以濟人為心

李可全精醫能研紫書全活甚眾

皇清

艾應奎字文所祥符人好文更稱良醫精脉理療病

祥符縣志

卷十七

人物

三

多中

見舊志

方外

釋家

宋

文通慧祥符人姓張氏名文脫俗白雲寺師令掌廁

盜盆有市鮮者沃於盆文偶擊之仆地死文懼奔

華州總持寺久之為長老忽曰三十年前一毘公

案今日當了眾問其故曰日午當自知之遂跌坐

以待時張浚統兵至關中一卒持弓矢至法堂瞠

目視文將射之文笑曰老僧相候久矣卒曰一具

卽欲相害不知何讐文語以故卒悟曰冤冤相報何時了劫劫相纏豈偶然不若與師俱解釋如今立地往西天視之已立化矣文卽索筆書偈云三十三年飄蕩做了幾番模樣誰知今日相逢却是在前魔障書畢泊然而化

以下均見舊志

志言本姓許氏自壽春來居東京景德寺爲人卜休咎書紙揮翰甚疾字體遒勁初不可曉後多驗有具齋薦鱸者食之臨流而吐化小鮮羣泳而去海客遇風且沒見僧操棹引船而濟客至都下志言謂客曰非我汝奈何客猶記其貌乃引舟者也後

祥符縣志

卷十七

人物

三

卒仁宗以真身塑像置寺中榜曰顯化禪師

明

勝安號古峯俗姓周幼禮彌陀寺戒律精嚴道行純潔嘗開講大乘諸經五十餘會修葺招提四十餘所永樂中移居祐國寺一時緇黃之士從者雲集後以疾而逝停龕二日飛烟環繞閣維之得舍利凝聚五色精瑩如珠觀者異之

雲居城北五里天王寺遊僧也周定王出獵僧坐不起王怒以其其面火出王之之歸治具往召僧云候洗面卽行頃謂使者曰爲我謝王我已赴席

來矣使者不信僧袖出一蒸食爲驗使報王王視之果席中物再召莫知所向因廣其所居寺

道家

宋

張拱祥符人舉進士不第賣藥宜春門忽有道士抵其肆授以棗七枚食之自是踰二年溲矢俱絕神氣明爽日可行數百里後遊名山不知所終

以下均見

舊志

郭上竈不知何許人天禧中以傭淪湯滌器汴州橋茶肆中一日遇仙去天聖末如磁州謁趙長官曰

祥符縣志

卷十七

人物  
方外

三

吾命垂盡願施一小棺乞於棺首穿一穴插通節竹於穴中以通氣明日汲水浣身卧槐下遂絕趙異之如其言葬于河岸是秋水漲趙往視之獲棺無尸

張九哥慶歷中居汴京盛冬單衣流汗挾面燕王竒之嘗召見與之酒歲餘見王曰將遠游故來別有小技欲以獻王乃索黃羅疊剪爲蜂蝶狀隨剪飛去莫知其數少頃呼之蜂蝶皆來復爲羅王曰吾壽幾何曰與開寶寺浮圖齊後浮圖災王亦薨

侯先生不知何許人慶歷間賣藥汴京年四十餘無

鬚眉瘤贅隱起徧肌體常半醉夜與丐者同處有馬元者盛夏隨之出閭闔門浴池中元因就視乃一蝦蟆元遽引退俟浴出着衣元前揖之俟笑曰子適見我乎乃召元飲酒肆中出藥一粒日服之令子壽百歲此後不復見

劉從善別號浩然子西洛人徙居汴幼好元學大中祥符中師王太和於京師建隆觀五年試業爲道士天聖元年以乾元節賜紫二年六月承旨充景靈宮侍宸三年八月降旨選精明經教勤慎焚修之士從善首與選賜正一法服冠履劍佩帝諭以

祥符縣志

卷十七

人物  
方外

三

先帝忌辰令神御前咒食持誦乃編輯三洞經偈頌以薦仙駕尋進咒食文帝嘉之賜號全素大師仍以其文頒諸宮觀咒食之文自從善始至和二年正月仁宗違豫召從善于大慶殿設醮奏章命執政代拜至夜伏奏章帝忽瞑目已數刻中外驚訾而從善良久方起日章已達上帝有勅令帝回矣俄而帝甦聖體遂康從善累遷右街副錄服氣鍊形益勤至熙寧三年七月二十八日蛻去年八十有一後有客見從善白馬入蜀云

明

張三丰遼東人或云寶雞人洪武初寓汴延慶觀時  
大理寺卿王宇爲兒時三丰過其里而異之曰此  
兒他日必貴顯後如其言天順二年羽化于成都  
鶴鳴山詔封通微顯化真人

許氏子居宣平坊靈寶冢宰讚同宗也逸其名性好  
飲酒身多癩晝乞于市夜卧東嶽廟廊廡一夕見  
二鬼役掃地云有仙來拜俄而仙至如畫中八仙  
像嶽神盛飾出迎許氏子牽一仙衣一仙與書一  
卷後歸家晝出夜入擁呼如王者像父恠之且恐  
禍及用醕酒醉之以石擊死殮而葬棺出門漸輕

開視之止存敝帚戴瓊帽覆白衣口無存矣

均見舊志

人物卷十七名宿

宋

張先字子野開封人好學自力善筆札天聖二年舉

進士歷官秘書監

見歐陽文忠集增

陳知和字德時祥符人官朝議大夫致仕善楷隸能

詩作燕譽堂於第之西北隅時從賓客談讌其間

見鷄肋

集增

明

王觀字尚賓祥符人性耿介儀度秀整語言敏捷洪

武時授蘇州知府先是府有奸吏錢英累構陷長

祥符縣志

卷十七

人物名宿

一

吏觀廉得之縛至庭下捶殺之由是奸豪屏息百

姓稱快事聞賜勅褒獎時洊遭災凶民逋無所從

償乃諷諸富室出儲積以補不足朝廷嘉其能榜

示以勵天下守蘇者前有季亨魏觀後有姚善况

鍾皆賢稱姑蘇五太守並祀學宮

据明史增纂

甄鐸字文振祥符人雅尚志操正統丁卯貢禮部景

泰中授定興縣令縣密邇京輦號難治鐸下車剪

鋤凶頑撫慰良弱節縮浮費不逾年政令大行定

興邑小路衝民疲力役鐸立法更番民乃少餘邑

中黠豪賅結京中貴官與邑令抗禮通餽遺邑長

皆折節下之鐸峻拒裁抑有犯則繩以法黠豪走  
京師煽搆鑄職定興民無男婦少長數千人伏闕  
聲其寃乃命行勘使者密受權貴風旨以威懾之  
欲其誣服鐸神色自若使者恍惚若聞空中有聲  
責之者悚然鞫審事得白復補文安文安苦賦役  
不均鐸乃分上中下三等躬親察驗遂無偏竄又  
教民種桑棗俗呼爲甄公桑棗秩滿致仕得請卽  
行囊橐蕭然至無以僱馬民涕泣攀送釀金市一  
馬乘之歸鐸曰吾至汴卽遣還民或有未信者至  
汴果遺馬歸之

見府志並通志

祥符縣志

卷十七

人物  
名宿

二

柴廣字文博祥符人景泰間貢入太學始仕四川鄧  
都令廉介有守縣無城池廣叛之時奸民趙鐸嘯  
聚唱亂勢甚熾廣率邑中壯勇之士以身先之遂  
擒首惡地方底甯擢知漢州脩學校建輿梁均賦  
役政績著聞致仕歸築室陳橋北日誦內典篤親  
念故好善樂施宏治初巡撫海虞徐恪奏請旌表  
以勵薄俗壽九十七卒

見府志

李環字佩德祥符人舉成化丁酉鄉試選廣平府推  
官丁憂起補延平府推官會守缺環署延平沙縣  
民胡天秀殺人亡命因爲亂環募壯丁捕獲之餘



弗問境內悉平九載遷青州府通判旋督糧儲山東盜起歲凶民無所輸租環以帑金代糧約民徐償事聞嘉之詔免民償金以老請歸卒於家子士允另有傳

見府志

楊汧字宗源祥符人性孝友母卒悲慟幾絕四世同爨內外無異言補郡庠生一時聲稱出諸生上鎮守中官劉朗延之爲其從子講業嘗引汧至其私藏令恣所欲取之汧一無所領朗大敬服嘉靖壬午貢入太學授安肅縣訓導正身率物遇才雋之士輒改容禮之諸生有貧者則出俸金以濟其不

祥符縣志

卷十七

人物名宿

三

及提學陳講稱之曰此真人師矣乃命爲諸庠都講後遷海陽王教授比卒安肅諸生思之崇祀名宦

見省志

楊根字伯深先世中山人移家祥符嘉靖辛卯舉于鄉屢上春官不報謁選理鳳翔郡根奉法惟謹嘗攝隴州議丁糧里遞多便于民隨御史按部惟剔其大蠹巨姦餘悉不問再理承天江水溢湮民田廬根畫策築堤水不爲災輸羨鍰置墾田數千畝爲諸生館粥費遷延安府同知調遣兵馬收支芻餉繕修城堡稽核功罪無不倚辦根以廉直執法

隨事奏効嘗奉檄防秋固原申嚴紀律倡勵士氣  
邊徼無警嘉靖丙辰攝郡符入覲因稱病不任職  
納祿而歸歸六年卒郡中曹司馬表其墓曰貞靜  
先生 見府志

張恩字子推祥符人少孤力學嘉靖丁酉舉鄉試兩  
試南宮皆乙榜因母老署宿州學正丙午分校江  
西得雋卷破例力爭果獲佳士尋晉山東平原縣  
知縣有疑獄累年弗決恩得異夢一訛得情治平  
原五年多惠政平原人爲立生祠晉鳳陽府同知  
會河決徐淮恩隨河臣相視形勢開新河以通漕

祥符縣志

卷十七

人物名宿

四

淤功成賞白金十六兩巨寇師尙詔起兵睢州破  
歸德擁眾南侵恩從守宿州賊至薄城恩身親矢  
石不解甲者三日夜賊引去尋以母憂去官起補  
湖廣黃州府同知時嚴嵩父子枋國士人多以賄  
進黃州守某者相嵩同鄉且周親私謂予我千金  
爲相君壽則郡守可得也卽不給吾以府藏爲若  
翰焉恩力謝之尋致仕歸子有德另有傳 見通志

高等字企夫祥符人舉嘉靖己酉鄉試選直隸栢鄉  
縣知縣居官清慎壹意愛人詢問民隱温温然若  
家人百姓親之如慈父母也值歲旱等齋戒禱神

自暴于烈日中俄而大風作百姓呼爲知縣雨  
歷甲戌入覲卒于京囊橐蕭然同鄉宦遊京師  
經紀其喪事柩過栢鄉百姓攀擁雨泣至爲罷去  
留數月始歸輸一田立祠祀之至今祥符人過栢  
者猶曰吾高公鄉里也 見府志

王中遠字道卿祥符間人琇子九歲孤家貧受學於  
舉隆慶戊辰進士授山東黃縣知縣黃僻在海濱  
前令皆相沿爲虐且中遠至釐定賦籍開墾荒田  
一以修廢興利爲己任儒生某者得罪於父携其  
孥奔萊陽已而儒生溺死妻歸而父誣其奸狀訊

祥符縣志

卷十七

人物名宿

五

之者寘之辟中遠廉得釋其罪城旦春者爲丞所  
困幾死中遠立法繩之全活數十人尋以憂歸羸  
鍰四百金皆籍而切由上官憫其貧贖金五百贈之  
竟弗受巡撫某時過地中遠會雨驟至簷溜沒踝巡  
撫願捐羨鍰授之字中遠謝曰尊貴臨門草土之  
人不敢逃匿儼然備賓主之禮者以明公知我也  
乃因以爲利明公不知我也竟弗受迄卒貧無以  
爲斂子正志另有傳 見府志

劉賁字道充祥符人以明經官彰德府儒學訓導  
雖爲行舉不爲官程制義爲士宗執

...多成名居家勤儉遺經教子皆能成  
年八十五學者稱爲...先生 見府志

甯字原安祥符人父...周府典儀早喪母側室  
氏撫之甯事王如母王降病十七年甯日侍牀  
供湯藥無少怠歿則盡哀先世貲財盡散諸兄弟  
後徒自給泮中人士皆從受經術起家賢科舉者  
宗爲夷門先生戶部尙書袁洪愈吏部尙書梁...  
龍皆延甯爲子弟師甯久處館席言不涉家事而  
公雅重之舉明經分訓邱縣會仲子濟舉進士甯  
謝不仕又三年以濟貴得封卒祀鄉賢祠子濟...  
見

符縣志 卷十七 人物 名宿 六

歷甲戌進士任陝西三原縣知縣以循卓著聲晉  
戶部主事親老引疾歸...卒濟亦卒于苦次 見  
府志

馬斯藏字二岑祥符人萬曆丙午舉人任山東長山  
縣令廉節自守...里後貧無以爲食日賣文自給  
或額其室日以...爲活 舊志

張士備字瀟霞祥...人博瞻有雄才知名庠序天啟  
辛酉中鄉試第一一名授北直鹽山令以疾歸杜門  
嗜詩酒所著詩...八成集人咸傳之 舊志

王植字培之祥符...崇貞時以明經授通州...

饑捐助活饑民甚眾有厥奴犯姦植擒之卽斃杖下璫銜之次骨會詔求直言植上陳破賊之策嗾秉衡者以越職言事落職歸纔四月耳居家恬朴有古風人咸高之子廷璧另有傳舊志

賈明孝字君錫祥符人戶部主事選之子由明經仕為陝西宜川令直憲不合當道解組歸里閉戶讀書都人士多從之遊所著有四書救敝編行世舊志

李鴻字天際祥符人崇貞丙子以五經副榜貢成均壬午登賢書初仕山西興縣多惠政民為立生祠遷陝西鞏昌府同知致仕歸遂卒繼妻某氏年二

祥符縣志 卷十七 人物名宿 七

十撫前妻子三人成立舊志

李光璧字熙亮祥符人為諸生豪俠尙謀略崇貞辛巳闖賊李自成犯汴知縣王變立社練民兵以光璧為總社賊薄城城北東將壞光璧率社兵固守散家財勞兵隨所壞築之賊乃退次年賊眾百萬復攻城光璧結義勇大社得萬人刑牲歃血繕器械肅隊伍出曹門與賊鏖戰殺賊甚眾巡撫高名衡予銀三百兩光璧悉散與士卒自是日出戰多所斬獲城中乏糧兵民日一食光璧曰事急矣請以車為營抵黃河接援兵開饗道名衡疑不果用

然城被圍久人相食卒至河決與城同殉大社力也後光鑒走江南見羣小亂政遂歸杜門不出以疾卒時又有張堅者祥符諸生獻懸樓式以擊賊晝夜立雉堞間以勞死又有張爾猷者祥符貢生爲義勇大社紀正參贊車務守城東北隅屢摧卒完擊賊多斬獲

舊志並守汴日記

常一中字光峯明萬厯間由廩生三中癸酉丙子己卯副車授羅山縣訓導崇正學黜異端士風翕然先是邑有子路問津祠奸僧易以佛像至是逐奸僧毀佛像舊祠賴以復存然以此觸權貴遂掛冠

祥符縣志

卷十七

人物名宿

八

歸羅山士子泐去思碑於學宮崇禎朝巡按高名衡等題請崇祀名宦並邑之鄉賢祠

舊志

魏履徵字太衡祥符人忠樸不事浮飾四中鄉副榜以明經授州判不就教授生徒百餘人藉脯脰以自給

舊志

趙喬星字養明負性穎異弱冠補庠士意致超異不樂仕進以戴記授生徒少傅劉昌出其門年逾七十猶晨夕講學不倦人稱爲道隱先生

舊志

李惟中字允時別號心唐與弟惟和同舉於鄉喜爲詩邑先達如李雲鵠雲鴈者皆樹幟藝林少所許

可獨愛惟中詩嘗以詩受知直指由內鄉學博遷  
山左昌邑令晉大名府別駕致仕歸 見中州文徵  
國朝

王郊字欲野參政紫綬第三子幼沈靜六歲讀書能  
解大義錄孝經暨文昌感應篇黏壁自警正襟默  
坐竟日不出嫂呼爲癡叔嘗隨父避寇甯都從魏  
禧學詩古文詞旋至虎林從海昌許汝霖習舉業  
康熙三十五年以貢生任修武教諭聚諸生共相  
砥礪以忠孝節義爲立身之本四十一年

聖祖西巡

祥符縣志

卷十七

人物  
名宿

九

駐蹕修武考試豫省人才巡撫徐某以郊薦

欽定第一引

見乾清門授臨海縣知縣多惠政著有臨海集靈江澄治

錄成化錄行世

見中州詩鈔修武縣志

孟觀字仲練祥符人與櫟園周亮工雅相契櫟園刻  
尉氏阮漢聞中牟張民表祥符王惟儉蘭陽王序  
諸君子詩文而尤嗜祥符李惟中詩惜其集没于  
水澆孟觀購之孟觀因書其事詳見中州文徵

李堅字敬堂祥符人原籍大興曾祖濡根官江西瑞  
州府知府明敏多惠政拔高安朱文端公軾於寒

徵教之卒爲名臣堅幼孤勤學資力殊絕日記數千百言邃於經史百氏記注疏義內行尤修謹乾隆壬辰成進士歷官廣西司員外郎於疑獄多從末減旣病猶夜燭治官書或止之曰分也敢以憊辭作詩歌古文詞多淪散武虛谷億求其遺稿傳之今存有萱壽堂集 見中州文徵

朱超字越千祥符人康熙辛卯舉人乾隆丙辰

召試博學鴻詞

見中州朱玉錄

劉廷鏞字麟海少傅昌元孫山西壺關知縣延芳第三子少負異才讀書過目成誦工詩賦嗜字學古

祥符縣志

卷十七

人物名宿

十

體靡弗宣究督學莊公竒其才乾隆丁酉拔貢文名藉甚年二十四卒遺稿甚富密縣錢九韶謂其古詩擬選體出入顏謝間近體哀豔絕倫入義山昌黎之室大梁詩家自張譙明給諫後嗣響者稀若假以天年當爲騷壇執牛耳惜才豐算促豈所謂文章憎命達耶子湛邑庠生孫毓棠毓楠俱進士輯其詩賦名澹泊齋誦芬集河督喬松年序刊之 續

劉銘常字椒雨少傅昌四世孫父克均歲貢生兄銘鼎進士直隸龍門令銘常負夙慧好讀書嘉慶甲



子乙丑聯捷進士與兄文名并噪時有二難之譽以知縣籤分四川歷任羅江仁壽蒼溪達縣成都知縣達俗陋少業儒鄉榜無人垂三十年銘常以文廟殿廡頽圯宜重修倡捐千金紳民爭繼之工遂興是科卽有獲雋者嗣魁解聯翩春秋榜名不絕書以最擢攝巴州移瀘州直隸州癸丑分校鄉闈精心鑒拔所得多知名士蜀地多山山民遠官最刁悍有趙興龍者妄人也潛刻木龍首尾鱗角畢具夜置榻間卧其上久之背印龍形遂倡言惑眾愚民信之競以貲博偽職無慮百數事洩就捕

祥符縣志

卷十七

人物  
名宿

十一

獄歸銘常銘常謂亂民可誅脅從可憫遂以愚民無知聚眾斂錢定讞治獄明決多平反人稱于公再世授台州知州卒於官子濟進士湖南石門知縣潤進士浙江秀水知縣芳翰林權江蘇徐州府知府濬翰林廣東廣州知府鴻庠生

續

孟丙南字乾宮祥符人幼聰慧年十四補郡庠生科歲試冠軍者七乾隆癸卯舉於鄉甲辰春闈報罷杜門不出自謂吾貌清寒非富貴中人筆耕終身以成就後學爲己任得其傳者多魁解爲文清真純粹尤善說詩六十後聯老友八九人仿洛社會

杖履優游歿後子孫零落遺稿散失門人常茂猷  
作傳表之增

張雲行字湘帆嘉慶庚午舉人以知縣分發四川  
至有聲學問淹博工書畫著有衍河圖雅言六卷  
所作各箴銘皆自成一家言續

楊升階字蒼華其先江蘇人七歲隨兄步皋來汴讀  
書敏悟老而愈篤受業鄉賢劉遵海門下以古文  
詞自娛日與邑人常茂猷王儒行宋繼郊相切磋  
咸豐粵匪攻汴升階主軍書下筆千言賊退敘獎  
不受生平不輕爲人作傳誌有宦齋瞰其乏獻多

祥符縣志

卷十七

人物名宿

三

金求表先人墓力却之大吏爭延課子弟多所造  
就著有友竹軒詩稿筆意在船山夢樓間

馮鏞字春曉祥邑老儒性孝友父年高寒暑饑飽喜

怒無不體貼入微便溺則身親浣漱四載如一日  
母病瘡躬侍湯藥夜則籲天禱請蚤歲餼於庠閉  
門養親絕意仕進子滙川庠生著躬行錄傳其學

李卓祥邑諸生品行端方不苟出處課徒於經傳之  
餘兼及先賢語錄尤加意敬惜字紙曰此聖賢吐  
籍之遺片緘隻字皆不敢褻穆藹堂善局請董事  
聚目談錢十千卓卽自認既而會中查出原錢請

遠卓不受曰此事已明吾可去矣不俟終日辭平  
日救災恤難善事不可枚舉皆出至誠壽八十餘  
張開第字訥亭祥符人貢生錢塘知縣自訂平生詩  
稿統爲餘事編嘗博求故典附以折衷名稽古瑣  
言有夢餘談剩竹窗夜話洗冤述論瘴鄉燈苗音  
考等稿藏於家 見中州朱玉錄

董琨塘字伯瑤號午山祥符人幼貧苦好讀書典質  
以購弱冠補郡庠生旋食餼督學吳文鎔賞其爽  
俊獎藉備至性和藹善啟誘從游者樂其化說經  
於傳註外每參時事以期躬行旁通曲論敷陳明

祥符縣志

卷十七

人物名宿

十三

暢聽者忘倦自經史騷選唐宋各詩文集無弗淹  
貫尤工制藝瓣香啟禎大家日課一藝幾成萬篇  
古文詩歌稱是與同里常茂祿王桂交最善昕夕  
過從講求古義道光丙午舉於鄉歷主滑縣襄城  
書院多士服其教如在汴時名噪文壇三十餘年  
共推耆宿著有慎永堂詩文鈔四十卷 續

錢炤字抑之祥符人歲貢生性嚴正取與不苟博學  
能文試輒冠軍曹文正振鏞督學河南時稱爲南  
豫翹楚聚徒授經多成就著有文法舉一行世子  
侍宸號杏君嘉慶戊寅舉人官舞陽縣訓導遷陳

州府教授道光二十三年調修省城工竣薦知縣  
辭弗就性聰敏嗜學詩古文詞靡弗工善書八分  
尤得兩漢法世共推之年七十卒著有好談理學  
說孫林潤咸豐壬子舉人河南府教授

續

鄭啟掄原名大誠字通甫世居江蘇吳縣少孤藁筆  
游豫遂籍祥符道光庚子成進士官翰林院編修  
充

國史館協修咸豐三年歸里主講彝山書院性和而  
介與物無競遠顯貴慎取與好讀書手不釋卷爲  
文清刻堅銳成就後學極盛年七十一卒著有水

祥符縣志

卷十七

人物  
名宿

十三

流雲在軒詩文集子孝元太康訓導孝彪早歿孚  
先永城訓導孫思贊丙子進士戶部郎中思賀御  
史思賢思賓思贊皆舉人

續

王吉士字文之號藹堂祥符人幼穎悟讀書過目成  
誦嘉慶丁丑進士以知縣分發安徽歷權銅陵祁  
門知縣愛民禮士與頌翁然補東流縣益勵清操  
後旋改教職選彰德府教授抵任後以正學啟迪  
諸生來學者眾講論終日無倦著有四書經註考  
証四書集註諸賢考字學偏旁音釋考周禮旁批  
爾雅註疏輯要昭明文選輯要藹堂文稿文之詩

稿季子繼祖廩貢生候選知縣

續

高廷弼字芸夫祥符人道光壬午舉人世耕讀多隱德廷弼性和易與人無忤治家有法子弟循循耕禮博學能文教人不倦門下士登第者眾子三士良以修城功保訓導其在許州訓課綦勤士翕服次士瑛附貢直隸冀州州判

續

李元燾字朗軒號趣農祥符人道光己亥舉人家貧樂施有不足典質濟之遇戚友無力婚葬者代爲稱貸負者不責償益增累事親孝晨昏定省胥本禮經里黨以純孝稱教人先品行後文藝啟誘後

祥符縣志

卷十七

人物名宿

古

學不倦從游者多成就子伯坦仲增壬戌同榜舉人

續

張丙煥原名行滂號虎頭祥符人家世科第爲邑著姓丙煥有勇力手格逸馬性倜儻負大志兼習文武舞槍試劍靡弗工精天文數學占驗多中篆宗秦斯詩文落落有奇氣四方名士多推重以時方用兵歷遊燕趙吳越思得一當不遇晚至寶豐家焉著有觀雨軒詩鈔晚翠軒筆記梨花槍譜並輯

姚江年譜行世

續

呂祥榮庠生容城知縣進士祥齡之弟也性喜施授

弗淹貫尤重躬行鄉里稱盛德焉以歲貢候選教  
諭著有歷代醜儒姓氏考匡山集若干卷續

潘係字素人祥符人庠生工詩有唐賢風格督學姚  
元之器之謂為獻吉替人嘗示諸生云學詩須向  
潘係問津係貧甚無子卒後所作皆散失續

休錢齡字珥珊原籍會稽父仲霖游幕河南遂籍祥  
符錢齡性穎悟敦孝義弱冠入邑庠道光戊子中  
副車己亥登賢書以功叙知縣晉直隸知州未經  
謁選家居侍嚴父每先意承志猶時呵責輒長跪  
移時然後已撫母僕為義女具奩資嫁之訓子以

祥符縣志 卷十七 人物 名宿 七

義方而負笈遠來者戶外屢常滿祥邑王儒行宋  
繼郊諸名宿皆其門下士也至於水災修城護堤  
凶歲施粥施賑尤不憚勞瘁卒以此致疾而歿士

林惜之續

田倅字乙亭祥符人以樸學自勉著儒學存真錄十  
卷凡儒學載在史策及各省志乘者採其大略彙  
為一編謂儒無今古以真儒為貴學無今古以真  
學為宗要以本心所嚮慕者奉為持循之準云續

列仕

明

滕克恭字安卿祥符人元至正壬午舉進士累官集賢館學士元末兵起避地錢塘明初復歸祥符洪武辛亥甲子兩主河南鄉試皆稱得人壽百餘歲所著有春秋要旨謙齋稿若干 見通志

安然祥符人元末爲山東行省左丞守萊州率眾歸附洪武元年授起居注轉給事中擢山東行省叅政尋召入爲工部尙書復除河南行省叅政蔡河壅塞漕運不通然督工疏導不逾月而成功八年黃河決開封大黃寺隄百餘丈然集丁夫三萬塞之累官至御史中丞坐事免歸復召爲四輔官論

祥符縣志

卷十七

人物列仕

六

事賜坐多所裨益十四年卒

見明史

王幼學字行可祥符人元丙午科進士洪武初舉賢良三年設學校爲開府學訓導教士有方以疾辭後十五年復爲訓導終於家 見通志

王僕字幼度祥符人仕元爲國子助教洪武初徵爲翰林脩撰與典試又命於大本堂授諸王經尋遷待制同宋濂脩輯洪武正韻昭鑿錄諸書帝憫其老賜致仕後以子弘爲龍江遞運忤丞相胡惟庸寘於法惟庸敗上召僕至京慰勞甚至賜綺帛給舟車送歸以壽終 見通志

范濟字汝舟祥符人至正甲午科進士閑居不仕洪武四年以儒士起用除授江西廣信府知府吏民懷服見通志

刁鵬祥符人永樂中知荊州府賦性耿介立志清苦莅任九年門無私謁囊無贏帛凡所設施調度卓有條理且勞來安集政教風行軍民稱頌見中州人物考傅皓字孔暘祥符人景泰甲子鄉試第二名成化時授順天府通州同知寬厚平易甚得民心及代去州民伏闕保留轉本州知州嚴裁省之法權貴不敢干以私任十二年加朝列大夫俸級改知濟甯

祥符縣志

卷十七

人物列仕

十九

州尋以老請歸見府志

李英字士奇祥符人中景泰丙子鄉試授陝西鳳翔

府訓導立教嚴勤士類有造而寶雞亦攝教為得

師秩滿擢山東昌邑令都御史馬文升巡撫陝西

薦知朝邑至則剗夙弊決疑獄絕私謁庶政脩舉

會黃河泛漲滄沒東鄉水至城壕英築隄捍水水

退鹹地淤為沃壤民爭佔之英親按地驗冊強不

得以侵弱又脩建城池學校壇壝官署倉庾諸大

役功成而民不知勞朝人圖像祀之擢知涇州旋

改知徽州以積勞卒于官見府志並朝邑志



宋明德字毅謙祥符人萬歷戊子舉人任山東德州知州以清靜淳朴爲治州人化之歸家安貧自怡年八十餘猶夜讀書弗輟

見府志

國朝

劉昌字瀛洲祥符人少孤篤志力學天啟乙丑第進士授三原知縣時魏璫權勢燠灼生祠徧天下昌治獨不立祠內艱服闋補元城縣以最擢浙江道御史改吏科給事中彈劾不避權貴時論稱之

國朝順治初起晉太常卿遷太僕時直隸山東民苦俵馬爲累昌建議折價兩省便之擢工部侍郎兼都

祥符縣志

卷十七

人物列仕

三

察院右都御史加太子太保拜工部尙書疏言修河修汴清理錢穀諸大政悉見採納旋改刑部時部中積讞至一千八百餘件昌精心鞫斷悉平反之晉少保兼太子太保復遣畿南審囚民以無冤考滿再加少傅兼太子太傅昌歷官小心謹慎朴素勤劬不恃才不銜功以故始終得保令名洎致仕歸聯社課文門庭蕭寂見者不知爲貴官也卒諡勤僖弟晃星俱有傳

見國史

劉晃字雲章祥符人太傅昌同母弟也以貢生授漢中府同知報最擢温州府知府溫濱大海倭寇屢

入犯晃繕城隍峙糗精選戎卒授兵登陴具有方略恃以無恐復密擒內謀百餘人誅之懸首示賊賊見膽落乘勢奮擊賊望風遠遁自是海隅稍安遂發困廩賑流移築海塘數千丈防禦潮汐斥鹵可耕暇則修復學校與士子講學弗輟旋引疾歸初晃于城闔建樓懸鐘焉至是溫人感德肖像祀於其中子漢生有文孝名丙子舉於鄉見通志

范輝字射墟祥符人順治丙戌舉人任輝縣教諭秉性潔清篤學勵行與人論文竟日忘倦終身不欲聞人過不道人非長厚寬和足為多士懿範見常氏怡

祥符縣志

卷十七

人物列仕

三

古堂稿

李光座字東園祥符人順治己丑進士知湖廣均州時流寇餘氛未靖光座勦撫合宜反側悉安尋知衡州府整己率屬湖湘間頗著令望晉督學雲南兵燹之後人不知學光座提唱有法滇士知所趨向陞江西按察使慎重民命每鞠疑獄輒鍵戶精思務求得實民因無冤濫會滇閩搆亂愚民陷賊甚夥光座理出無辜鍾明童勝李元等五百餘人以勞成瘵卒于官見通志

袁式宏字予淑祥符人康熙庚午舉人內閣中書改

授鳳陽縣知縣其地夙號難治式宏勞心撫字民俗丕變訟獄幾息擢潁州府同知甫下車清理積案多平反權鳳陽鹽漕同知比較斗斛兵丁不得抑勒州縣漕弊肅清卒於官士民泣送者萬餘人祀潁州名宦祠子舜裔襲舜裔號石峯康熙丁酉舉於鄉書畫名振一時乾隆初

欽取書法第一授德平知縣興利除害悉中民隱攝歷城商河篆亦著循吏聲致仕歸清白有父風云舜襲亦工書續通志

張琦字雨如祥符人康熙庚戌進士授凌川知縣擢

祥符縣志

卷十七

人物  
列仕

三

戶部主事晉郎中江南旱具稿請大司農蠲正供銀十餘萬出守建甯督修海船除採木料之累百姓德之見中州詩鈔

周世紹字仲啟號小亭祥符人乾隆戊子舉人歷扶風寶雞韓城朝邑等縣知縣境有邪教傳徒惑眾世紹嚴禁之毀廬焚書邪說乃已攝延安知府移興安地濱川楚邪說潛滋下車時郡東白河戒嚴鄭屬竹山烽火相望有飛語謂楚匪且至人心皇皇世紹親巡城置守具聚眾曉以大義眾心始安閱歲賊果至世紹謂守城不如據水乃留兵守城

躬督練勇二千駐漢水北岸列戍分屯部署井井  
忽岸南有男婦萬餘譁且哭眾謂賊媒也請擊之  
世紹審係難民招令畢渡難民慶更生檢丁壯數  
千編入伍軍威益振相持數日賊宵遁世紹竟以  
積勞得疾未幾卒有視其遺裝者惟破書數卷葛  
衣布被而已性篤故舊戚族靡不分潤業師山陰  
胡功甫遣戍烏魯木齊卒世紹歸其喪恤其孤寡  
在陝時與同官嘉定錢坫陽湖孫星衍交最善以  
經濟文章相切劘講論至夜分不倦署齊聯云以  
切近情理之事做本來面目之人論者謂能不負

祥符縣志

卷十七

人物  
列仕

三

此語工楷法精篆刻輯有聽松樓印譜子二長之  
培龍巖知州 續

宋竹苞字筠甫祥符人乾隆己亥舉人大挑知縣歷

知山西猗氏平遙縣遷忻州直隸州知州權潞安

汾州知府竹苞性孝友品端學優族隣匱乏周恤

備至里黨有爭者善爲排解有楊叟鬻女券已成

父女不忍離竹苞聞之贈金償其價教姪書書成

立署高平縣時吏胥科派貢綱民不堪擾竹苞捐

資以代夙弊悉除孤寡貧民月給錢米助其養贍

至今有去後思道光八年楊中丞國楨疏陳其狀

祀鄉賢祠 續

周岱齡字延卿祥符人篤志嗜學靡弗淹貫乾隆甲寅舉於鄉以功臣館議叙選福建甌甯縣知縣改江蘇贛榆調元和擢高郵州知州以質直忤上官改簡用江督陶文毅公澍林文忠公則徐交薦擢知府在官愛民疾惡有循吏風致仕十餘年卒子九沐潤如甫源緒祖福灝孫鴻潤星譽星詒星警多登科第時論榮之 續

張印賢字見雲祥符人嘉慶甲子舉人知四川蓬溪縣下車值大旱竭誠禱雨甘霖立沛治近邊郵俗

祥符縣志

卷十七

人物  
列仕

三

故澆雜稅甚盛歲爲官納數千金印賢憮然曰五世守清白遺此是污我也嚴卻之並革其俗在任數年建書院義學公暇集紳耆講學論文孜孜不倦解組歸親友貧乏者力爲周恤治家有法諸子多列仕籍 續

張南圭字吟莊祥符人性孝友丁母艱哀毀幾滅性嘉慶戊辰進士授江陰縣知縣設義塾延師課士人文蔚起移崇明縣地濱海賊盜出沒每潮汐過岸多生鹽民設場爲利會海盜就捕解省供稱鹽場往來民情洶洶爭赴縣訴南圭曰盜言僞也吾

已詳上憲力辨倘獲有甚善否則咎歸吾不與汝  
事悉縱民去以是忤上官劾降教諭歸橐蕭然崇  
明父老攀轅泣送爲立生祠家居城南米店莊村  
門教子不履城市著有詞壇學步詩稿棗香村課  
見草續

張樵字柯亭鄉賢星孫幼孤事祖母孝定省盡禮遭  
喪哀毀逾常好讀書手錄盈架遇古人忠義事必  
書置座右刊關帝全集勸善嘉慶戊辰舉於鄉授  
沈邱縣教諭訓課諸生孳孳不倦捐廉爲范貞女  
旌表資置田贍之聞者稱義卒年七十續

祥符縣志

卷十七

人物  
列仕

三

呂祥齡號春園祥符人嘉慶己巳進士知直隸容城  
縣治有僧巨富多非法事爲地方害祥齡急捕之  
僧賄求免祥齡不允卒致之獄僧潛蓄髮易名  
爲調語以訟祥齡憤恨而卒續

王延瑞字運隆號樹庭祥符人嘉慶丙辰進士除廣  
西臨桂縣知縣有剛直名聞上台家奴多不法抵  
任後廉得其情置之獄如例科罪盡得大吏交結  
狀時稱惡宣再世積功擢知府致仕歸家居授徒  
與鄉里文士講學孜孜不倦續

王光文字秋江祥符人祖籍江蘇性恬退沈默寡言

聚徒授經啟廸無倦工制藝清真雅正得先正法  
道光乙未舉於鄉門人登第者眾任嵩縣訓導課  
士綦勤眾德之勒碑紀其教澤增

裴季芳字石麓雋之子聰慧好學文筆敏贍道光丁  
未進士授內閣中書軍機處行走擢刑部員外郎  
以知府用京秩祿薄家無石擔處之怡如性謹飭  
敦孝友慎交游與人言兩兩若不出口通籍二十  
年若儒素子維儼刑部主事維俊舉人山東知州  
續

李鼎字象九舉人并弟少孤事兄惟謹嘗晚歸兄責

祥符縣志

卷十七

人物  
列仕

三

之長跪請罪道光庚戌進士知直隸廣平縣平反  
發摘老吏弗如暇則巡四境集村氓詢利病婦孺  
皆識咸豐五年河南新鄉獲嘉連莊會起界近直  
隸鼎奉檄防堵時有剿滅兩縣議將入告鼎僕竊  
白之鼎夜謁主議者力爭至失色請單騎往說遂  
誘賊渠斬之脅從罔治事甫定寇突至鼎以無城  
可守往諭利害賊僉曰知公好官不敢擾但飲水  
去語次數人笑前刺鼎墜馬有老人急抱呼曰汝  
竟傷我父母耶盍殺我賊駭散嗣獲首犯訊曰廣  
平傷官者已殺之矣攝元城清豐移開州十一年

濮州會匪圍大名數日不解鼎遣一軍潛出攻其背城內兵夾擊賊遁時山東各匪往來河上如織鼎隨大名道聯捷防河遇賊於溫敗之斬獲二百餘人以知府薦格於例再權昌黎有政聲卒年四十七宦橐蕭然續

高潛字子汾號柏青祥符人附貢生任固始縣訓導山東平陰夏津縣知縣加同知銜當在平陰有寇至登陴固守百計禦之城卒無恙平時以愛民教士爲任凡所識拔皆能樹立尤持清操去官日不名一錢續

祥符縣志

卷十七

人物  
列仕

三

高文銘字仲新舉人廷弼孫幼孤事母孝稍長博學能文風儀秀整見者僉謂必成大器咸豐己未第進士授禮部主事或以不入翰林惜之文銘曰方今天下多事藉觀政之地爲摩練之資遇事或能有所樹立何必翔步木天始爲不朽哉十一年秋隨其長官赴

行在遇入告事同官以無例案多擱筆文銘咄嗟立辦與例悉符本部員外郎缺出某資在前應補長官才文銘拔補之某素服文銘無怨言文銘力辭人多其讓越數月遭寒疾歿年三十四先是文銘應



得部飯數十金以禮部吏多貧予之吏聞其死持金返諸其家其感人類如此續

路觀德字志鵠青雲長子以廩貢出司羅山鐸文教振興會髮逆竄汝郡時設籌防當事雅重其才識俸滿特薦 詔用知縣以親老歸養不復出里居值粵匪擾豫佐當道訓團練備軍需嚴保甲皆身任其艱論功遞保運同銜同知候選升用知府居平慷慨好義愛士憐才人多蒙其庇其事親晨昏無閒以孝友著聞子傳甲舉人知縣續

郝醴字瑞泉祥符人性嚴重邃經史尤精於易嗜孫

祥符縣志

卷十七

人物  
列仕

三

夏峯遺書窮究身心性命之理嘗曰真學問在行誼若知而弗行猶弗知也咸豐壬子舉於鄉司鐸獲嘉獲有同山書院久廢醴倡修以育士初履任時有連莊會之亂賊首以威脅弗動單騎赴郡乞兵竟殲渠魁解釋脅從以功保知縣同知初年流賊竄河朔大股壓境醴守禦有功加五品銜著有周易俗說勸世瑣言又有理學辨言大極圖說尋孔顏樂處辨朱陸異同等作皆折衷於夏峯詩二

卷名天籟集

孫育均字宇農祥符人同治壬戌舉人江蘇候補知

州隨兩江總督曾文正國藩軍營多年遇事敢爲  
識力堅定會安徽廣德州客民滋事育均捧檄往  
勘周歷鄉圩諭解之復值廣德州土客構釁再檄  
均往來風雨中不避艱險事定以積勞成疾卒事  
聞

詔以直隸州軍營病故例從優議卹贈道銜廕一子續  
王道平字履坦祥符人明按察司副使允中裔孫幼  
失恃事繼母以孝聞家貧棄學業爲叅府令史素  
習兵事忠親王僧格林沁勦匪山東道平運籌決  
勝績最著選授廣東徐文縣知縣邑故濱海盜時

祥符縣志

卷十七

人物  
列仕

三

出爲商賈患道平督勇巡緝行旅以安鹽當商費  
悉卻之曰吾世守清白不敢以此污也商人德之  
願捐資助緝匪道平復募勇五百逐處捕盜風頓  
息監犯七名已擬斬道平察其情不類再鞠之皆  
鄰縣民服賈爲羣盜株連者方請上官得平反以  
最移澄海縣莅任十二日卒貧甚澄海民共助殮  
資時同里馮端本官廣州府知府厚賻之櫬始歸  
劉毓柎字南卿祥符人道光己酉科副貢咸豐辛亥  
舉於鄉壬子成進士由禮部主事歷官江南道監  
察御史同治五年轉禮科掌印給事中補授安徽

鳳頰六泗道署理按察使旋被議以原品休致光緒三年在籍辦理賑務賞加按察使銜毓柟在諫垣章凡數十上人服其偉議著有澹泊齋諫草四卷待刊

周衍恩字蓉甫少年讀書攻苦卽以聖賢自期同治辛未成進士入詞林出宰山東海豐清廉自持政聲卓卓暇則與士子談道論文夜分始退前後九年迫丁憂起復改補滋陽邑附郭事尤劇公餘仍與士子講學一以崇正黜邪爲務建崇正書院以爲魯諸生倡自是異教不得逞其燄調署章邱東

祥符縣志

卷十七

人物  
列仕

三

阿等縣皆有循聲

董潤彤字蓉洲邑諸生慷慨好義道光年間河決張灣乃將所住之房產賣錢四百千概行飲助親友鄰佑爲活命資後捐試用訓導署上蔡商水西平等縣訓導任內辦理賑務出力撫憲賞匾額曰勤慎廉明三子恩新光緒癸酉拔貢

靳鎮字繪山祥符人官福建松溪縣永和里縣丞嘗代貧民輸課錢民德之頌曰以能保我調同安縣金門縣丞金濱海海盜時出剽掠設法拿獲巨魁三十餘名民賴以安時嘆喏以禁鴉片講學侵

擾海疆值廈門失守鎮練民團拒敵纔數百人賊  
進逼金門鋒銳甚鎮登礮臺督戰親轟礮爲士卒  
先自巳至申擊死賊甚眾生獲數百人是時廈門  
以數十萬眾陷於賊鎮乃以寡敵眾一戰而勝亂  
既定以親老告養歸功成不受賞時論高之

劉文煥字起庭祥符優貢生咸豐己未舉人官太康  
南陽等縣教諭待士有恩嘗主南陽崇正書院講  
習請業者盈門年七十卒子思純廩生

常家馴字鶴亭祥符選拔生同治壬戌舉人官原武  
縣訓導日與諸生講藝論文士風丕振受業者多

登第以病沒於官子揚聲舉人

